

ॐ







বিষ্ণুপ্রিয়া মণিপুরী ত্রিমাছিয়া পত্ৰিকা
Bishnupriya Manipuri Quarterly Magazine

সূচীপত্ৰ

পৃষ্ঠা

সমীপেষু

: চিঠিপত্ৰৰ মতাবলম্ব

কবিতা

: আসলে ১

মূল : বেনকরভেজ

অনুবাদ : লিও লিমা হুগল

: চিন্তা — আনন্দ ঘোষন ৩

এসাদে এসাদেতে

: টেন্সাক বারো বাহাৰ পাতা ৪

— গোলাপবাবু

গল্প

: জনগনমন ৬

— স্বত্বিকুমাৰ

আৰ আৰ সাহিত্য

: রাজকুলেশ্বৰ ২১

মূল — মায়াবৰ

অনুবাদ — নিশিকান্ত

প্ৰবন্ধ

: বিষ্ণুপ্রিয়া মণিপুরী সমাজৰ

মানসিকতাৰ মূলভিত্তি ৩৫

— ইন্দ্ৰকুমাৰ

শিল্প সংস্কৃতি

: নৱমণিপুরৰ বিষ্ণুপ্রিয়া

মণিপুরীৰ নাট্য আন্দোলন ৪০

— বৃন্দা বৰ

সমালোচনা

: — স্বকুমাৰ (এড্ ভোকেট) ৪৭

বিজ্ঞান

: পৰৱৰ্ত্তী শ্ৰেণী ৪২

পৌ

: — স্বত্বিকুমাৰ ৪১

বিশ্বপ্রিয়া মণিপুৰী ত্ৰিমাছিয়া পত্ৰিকা
Bishnupriya Manipuri Quarterly Magazine

সম্পাদিকা : শ্ৰীমতী শান্তি ।

প্ৰকাশিকা : শ্ৰীমতী শিবাণী ।

ধনঞ্জয় নিবাস

ভুবনেশ্বৰ সাধুঠাকুৰ ৰোড্,

তাৰাপুৰ, শিলচৰ—৩

২য় সংখ্যা—৩০শে নভেম্বৰ ১৯৯২ ইং

মলাটৰ ৰূপকাৰ : শ্ৰী কান্ত, গৌহাটী

উপদেষ্টা : স্মৃতিকুমাৰ

অভিমুখ্য

মাৰ্কেটিং বিষয়ে উপদেষ্টা : বদন

সুকুমাৰ (এড্‌ভোকেট)

মুদ্ৰণ : মেসার্স ৱেব্ প্ৰেছ, তাৰাপুৰ, শিলচৰ—৩

বিনিময় : ৰূপা দশহান



সাহিত্যের অর্থহানেই অইলতাই নৈকট্য অর্থাৎ কাদাত ঢেপনি বা মিলন। এ মিলনে হৃদয় সম্পর্ক। আহান মানুষ প্রয়োজনের তাগিদে তিলনি মনেইতার। আরাক মিলন আহান আনন্দরকা বুলিয়া। প্রয়োজনের তাগিদে অর্থাৎ হোঁপাতর ক্ষেতির লগে মানুষ যে সম্পর্ক-হান, প্রয়োজনের। কিন্তু ফুলর বাগানর লগে যেবাকি মানুষ সংযোগ অর অউপেইত হুদা হৃদয়র সংযোগ। আনন্দছাড়া এপেইত পানারতা কিত্তাউ নেই। এ মিলন আনন্দ এহানই সাহিত্যর উদ্দেশ্য।

সহিত শব্দতপুরি সাহিত্যর উৎপত্তি। বৃৎপত্তিগত অর্থহান বুঝেইলে অরতা মিলনর ভাব। এমিলন মানুষর লগে, মানুষর, অতীতর লগে বর্তমানর দূরেইর লগে কাদার। যে দেশে বা সমাজে সাহিত্যর প্রবাহ বাধাগ্রস্ত অউপেইত মানুষহাবি বিচ্ছিন্ন। কোন মিল নেই। কিন্তু যেপেইত ধারাবাহিকতা আছে অউপেইত আদিকালর লগে পিছেদে আহের সময়র লগে সম্পর্ক নানু আহানত গিঠিয়া থাইতই। বর্তমানে চতুর্দিকে যে অশান্তি চলেছে এহানর একমাত্র কারণ—অতীতর লগে বর্তমানর আর কোন প্রাণময় বন্ধন নেই—সংস্কৃতির গভীর ভাবধারার হুতগ হাতে হাতে হুকিয়া হুদাছে। হুদা দেশ নাগই এবাকি আমার সমাজেও দেশর অউ হুবিহান প্রতিফলিত আছে। আগর লগে আগর ভাবধারার মিল নেই, আগর কথা আগর বুঝে ছুয়ারতারা—মানুষর ভিতরে প্রেম নেই। কৃত্রিম মায়ামমতাল উদারি মুকসি দিয়া দিয়া মানুষ ঠকেইতে আছি। হুঃখ লাগের। প্রেমময় বন্ধন এহান এসাদে করে বিচ্ছিন্ন অনার একমাত্র কারণ সাহিত্যর অভাব।

জার্মান বৈজ্ঞানিক গুয়েগনারে মাতিয়া গেছেগা—৩০ কোটি বছর আগে আজিকার হাবি মহাদেশ এতা জোড়া লাগিয়া আহান মহাদেশ আছিল। নাওহান থছিল।—“প্যানগিগা”। পৃথিবীর বিবর্তনে আজি বিচ্ছিন্ন অইল। চিলা চিলা অইল মহাদেশ এহানরে কি বারো আকহান করানি নাকরবতা? কিয়াতে নাকরত এবং অউহানর একমাত্র সূত্র প্রেমবন্ধন। মাটিহান জোড়া লাগা ছুবারলউ মানুষর হুদয়ে মানুষর প্রেম

বিনিময়লতে সমগ্রজগত এহানরে এক করানি য়াকরের নাই।

সহিবই সাহিত্যর উপাদান। অউহানর ভিতরেই সৃষ্টি অইতই
ঐক্য। সাহিত্যর প্রভাবে হৃদয়আগ আরাক হৃদয়আগত ভাবরস যুক্ত
অইতই, জীবনর মাঝে জীবনর ছতগ বহিতই। যুক্তি বারো বিচার-
বুদ্ধির জ্ঞানর জগতে এক অনি পারতেই কিন্তু হৃদয়র লগে হৃদয়রে এক
করে পারতইতা—এক মাত্র সাহিত্যই।

:—:

“সাহিত্য অর্থেই একত্র থাকিবার ভাব মানবের ‘সহিত’ থাকিবার
ভাব—মানবকে স্পর্শ করা, মানবকে অনুভব করা।”—(রবীন্দ্রনাথ—
‘সাহিত্য পুঃ—১১৭’)



১) ডাঙরিয়া সম্পাদিকা গিধানক :

চিন্তা পত্রিকা হানর দোষ পানার পিছেদেও আমার পত্রিকার অবস্থা দেহিয়া কতহান কথা না আংকরিয়া ছুয়ারলু।

১) “চিন্তা” পত্রিকা হান কিতা পিছহান না খালকরিয়া পেইরাক ভাবর উদয়ে নিকালানী অছেতা ?

২) পত্রিকা এহান নিকালেয়া কিতা নাও কামানীর উদ্দেশ্য আছে ?

৩) যদি কোনোগর নাও কামানির অমাত্রিক মন থার ওহান অইলে—এসাদে কণ স্থায়ী পত্রিকা নিকালেয়া আমার নাও মিমুং করানি কি থক ?

৪) “চিন্তা” দীর্ঘস্থায়ী অক এ কামনা মোরতা থাইল। ইতি

শ্রী সুকুমার সিংহ

এ. জি. অফিস

নাগালেণ্ড, কোহিমা

২) সম্পাদিকা :

“চিন্তা” পেইলু। হবা লাগিল। কিন্তু পত্রিকা হান আরাকখানি standard অনি লাগের। ইতি

শ্রী ব্রজেন্দ্র কুমার সিংহ

হাইলাকানি

৩) সম্পাদিকা :-

আপনার “চিন্তা” পত্রিকা ১ম সংখ্যা পাকরিয়া হবা লাগিল।

কিন্তু “সমালোচনা” আরাক খানি বলিষ্ঠ করিয়া (গঠনমূলক) প্রকাশ করলে হবা অয়তই বুলিয়া নিংকরউরি। ২য় সংখ্যা প্রকাশ অইতইতা ?

ইতি

নবকুমার

হাফলং, এন. সি. হিল

৪) সম্পাদিকা :

আপনার পত্রিকার ১ম সংখ্যা পাকরিয়া তৃপ্তি নাপেইলু। মহাসভা সাহিত্যসভার বারো বিশেষকরে ছাত্র ইউনিয়নের কোনো যারি নেই। ছাত্র ইউনিয়নের যারি বাদদিয়া আপনার পত্রিকাহান চলতই বুলিয়া নিকরিয়্যারতা? ইতি

ধনঞ্জয়
পাথারকান্দি

৫) সম্পাদিকা :

আপনার পত্রিকার ১ম সংখ্যাত উপদেষ্টা ছুগর নাঙ দেখলু। 'অভিমুগ্ধ' এগ বোধহয় ছক নাঙহান। গিরক ঔগয় নিজর নাঙ প্রকাশ করতে ডরপার পাউরি। ইতি

রাধাকান্ত
শিলং, মেঘালয়

৬) সম্পাদিকা :

আপনার পত্রিকাহানাত অনুবাদ গল্প প্রকাশ পাছে। অনুবাদ গল্প প্রত্যেক সংখ্যাত প্রকাশ পাক। ইতি

মিস্ রেবতী
ঝাপিরবন্দ

জেন করতেজ

১৯৩৮

কবিতা

আসলে

মোর আতর গেটিগত্ ত
পচানি অকরেছিল, পচানি অকরেছিল জরায়ুগ পেয়া।

কানর ভিতরেদে রোচ মাছ পড়ের ইজুরবাং

যে জারজগরে মিচুলর কাটাগল

খুম করেছিলু

তারে নির্বিকার চাবতে আছে—

ডক্ ডকা খতাহান

বোবা খতাহান

মৃত্যু

তি কুংসিং তোর রংহান দলা

মৃত্যু তি-ই মৃত্যু আঃ

মোরে না ছকই

মি মকার পথেদে কাকেই লছু

আলিজা মোর মুরগত

আকগ অজাগর ছদ্দা মোর আহিগত্

ভালবাসা কিন্তু জিংতা অয়া ধার

মি ভিতরগরে আবাদন করানি মনাউরি

ইমায় আঃ

অউ নিগারর আসহা যন্ত্রণায়

মুণপাং নার

মি শুভ মহরতর বিরুদেই—

গেয়াগও নিংকর মোরে,

নিগোংগও নিংকর মোরে নিংকর

বুড়া কলঠা চেলপা যেহান মনেইতারা অউহান মাতকা
হত্যাকারী অউতার মেইখং হানি, মোরে

মারানি মনেইতারা

কিন্তু মি, সারারাতিহান জিংতা অয়া থাইতউ

ছনার দাঁতগিল দাঁতগি কামাড়েয়া মরণহানরে

দূরেইত মেচা দিরা থাইতউ

পানিত বুয়া দিতউ মোর ডিগল

পাখাহানির ঝাপটা আহানাং

মোর মরণর ডরহানরে খোনাং টিপেয়া মাংরেছু

অউ জির লোকাং রাঙাগ অয়া জরম আছে

মোর আশ্রাত্

বিশ্বাস কর

মি কাদাতই আছু বারো প্রস্তুত অইয়া

অউ ভালবাসারে বিলা দেনারকাই—

মি ছদ্ম জিংতা অয়া আছু

মি স্বীকার করুরী অউ বিউটিকুল নিগার

আজি মি পুরাপুরী প্রস্তুত

অনুবাদ = লিও-লিসা যুগল

“অশিক্ষিত বিচ্ছিন্ন একটি মানুষের উপর অবিচার করা সহজ
কিন্তু সচেতন সংহত দশহাজার মানুষের উপর অবিচার করা কঠিন।”

“ভগিনী নিবেদিতা”

শঙ্করী প্রসাদ বসু

চিন্তা

চিত্তা

হারনাপেইতেই দূরেইত্বে
সমুদ্রর কী ইথেইগ !
আহের যারগা কুসুসদে
দেখতেই হামেশা বিগসুদে—
হাগ সমুদ্রর লাক্তেইগ
সমুদ্রর কী ইথেইগ !
দূরেই সমুদ্রর রংখা রংখা
দীপ ছেয়া ছেয়া রূপ—
হারপানি কার মুবাত্,
চেপ্, নার্য তার কাদাত্,
প্রকৃত তার স্বরূপ ।
দীপর ছেয়া ছেয়া রূপ ॥
লাগনেই চিন্তার সমুদ্রে
স্বস্তিরতে দীপ 'চিন্তা'—
লাগনেই বেদিশার দিশা
নিরাশ প্তিরায়র আশা
বিচারর দিন আহিল বিত্, তা
স্বস্তির দীপতে 'চিন্তা' ॥

আনন্দ মোহন

টেম্পাক বারো বাহার পাতা

এসাদে এসাদেতে

এসাদে এসাদেতে খঙরপারে বাহা গাছ আকজার আছেতা।
উসেই বেলাক বুলিয়া গিরিগয় বাহাজারির গুড়িত মাটি থমকরল।
বরিবাহান আহিলতাই বরণে বরণে মাটির টেম্পাক গলানি অকরল।
টেম্পাকে মনে মনে ছুঃখ করিয়া মাভের - “হায়, হায়! আমি টেম্পাক
বুলিল এতা এসাদে করে গলে গলে চানাম্মা মেইমুত অইয়া যানাত
পরলাংতাকো। গলে গলে টুময়া যানা এহানেই আমার বিধিলিপি-
হান সাং—পালয়া জিংতা অইয়া থানার কোন উপায় নেইতাকো।”

এবেদে বারো গজেঙ বাহাজারির বুড়া বুড়া পাতা জঙে জঙে
গাছজারির তলে পড়ের বৌহানে উডেয়া নিয়া কোন্তা কোন্তাও
বেলারগা। কাদার খঙর পানিতও পড়ের, পানিত থায়া থায়া অউতা
পচিয়া। যেইতারগা। গুড়িগত পড়েছে পাতা অউতাই মনে মনে
খালকরতার। “হায় - আমারে বৌ এহানে উডেয়া খঙর পানিত
বেলা দিলকোপুবি আমি ইমে পচিয়া কেলয়া যিয়ারগাতাকো। পাতা
বুলিয়া থা মুরারিয়ার, আমার কোন অস্তিও নেই। পচিয়া যানা
এহানেই আমার ভাগাহান—জিংতা অইয়া থানার কোন উপায় আমার
কপালে নেইতাকো।” এতা এতা খালকরিয়া তানু ঠুনিয়া বেলতার।

ঠিক অউ সময়ত শাশা করে বৌহান আছিল গাছজারির
গুড়িগর পাতা এবেদে হেবেদে ফর দিয়া যানা অকরল। অউ
অবস্থাত পাতা আহানতে আয়া টেম্পাকগর কাদাত পড়িলগা।
মুযোগ পেয়া টেম্পাকে পাতাহানরে মাতল, “কিতা করউরিতা,
হাতেক করে মোর তলে হমা পড়গা, অউহান—অইলে বৌহানে
আর উরেয়া নিয়া মুরারতইগা” পাতাহানও আর দিবারা দিশাং
নাচেয়া সের—করে টেম্পাকগর তলে হমা পড়িলগা। বৌহানে তেইরে
আর উড়া মুরারল। পাতাহানে মাতল, “হে টেম্পাকগ, তি আজি
মোরে জিংতা করলে। তোর উপকার এহান মি কোনদিন না

পাভরতৌ ।” পাতাহানে অউ উপকার অউহান হজে দিল—

আকদিন জুমমারিয়া বরনহান পড়িল পাতাহান টেম্পাকগর
মুরগর গজে ছাতিগ সাকয়া খাইলি । দিয়-গিয়ে হারৌ অয়া মাতলা—
“আজিহপুри তিয়ে মিয়ে উদাক বাধেইক । বরন আহিলে মি তোর
গজে খাইতৌ, বারো বৌহান আহিলে তি মোর গজে খাইস ।”

কিতাপারা ছুংখর দিন আহান—আকনাটে বৌ-এ-বরণে তাহুর
গজে পড়িল ।

পানির হোতগত বাহে বাহে বাহার পাতাহান সালইলি আত-
হানি টিংদিয়া মাতিরি—“ইতাও মিতে বাওরিগানাই ।” টেম্পাকে
কাদে কাদে মাতের—“হমাজি । মিও তোর লগে লগে আহউরি ।”
বরণর ফুটাগি টেম্পাকগরে গলা গলা টুনকরে নেরগা ।

এসাদে করে বাহার পাতা বারো টেম্পাক পানির হুতগত
মাঙইয়া গেলাগা ।

গোলাপবাবু

কৃতজ্ঞতা স্বীকার Sir George Greerson.
Linguistic Survey of India.
Part III, Vol. III

“হজা...গ...খায়ো...। হ...জা...গ খা...য়ো। হ...জা...গ...”

গাঙর রাতিকার পাহারাদার বাবাসেনার নিত্যিকার খেড়্ খেড়্ চিকারিগ ইনচিক্ রাতিহান নিককরেয়া গাঙর ঘুঙর সরকগন্ত চারি-বেদে সিলো সিলো আগুরেয়া আহিল। তার আতর পাচ বেটারী টর্গর কিলকাত অমাবস্থা-রাতির আধারহান খড়া গুড়া অয়া পড়িল। উত্তেজিত মিঙালহান বাহারতল, লুকানা খেড়্ বারে গাঙহানর প্রত্যেক ঘরর উঠান খাটাও, তন্ন তন্ন করে হংকরানি অকরল। মিঙালহান পড়ানিয়ে সড়কর খাস্তাব, লুকানা খেড়্ বাগা লিকলির টুমাও হাআলা হরপর সাদানে চক্ চক্ ফণা তুলিয়া চপ্ চপ্ উবা অইল। দৌ-এ লামচিকে পেয়া ডরপেইতার। ভৈমগপারা বাবাসেনা তার ডিগল রামবল্লম্ উগ জুংকরে ধরিয় কাকেইহান চালাক ববল। ইলেকসনরর আকহান। কতোদিন পিছেতে ইলেকসন, অউতার গজে আহের কালিতে গাঙমাটি নিককরেয়া মিছিল আহান বিকুলতাই অউন। গাঙ এহানাত উত্তেজনার মিছিল আগ কাছে। বাবাসেনা এ পচপান বহরে অনেক ইলেকসন বারো আন্দোলন দেখছে। তারর স্বাধীনতা আন্দোলনও কনাক আয়াও নিঙশিঙ অর। তা হারপাছে হাদি একান গাঙর মান্ন ঘরে ঘরে হজাগ, আধাচক্রাক অয়া খাই-তারা! অয়াও থাক তা পাহারাদারগ। তারাও গাঙ এহান প্রাক-ঘুমজিয়া আছি। তা চিকারী দিল—“হজাক—খা - যো...।”

পেইরাক সবকানী পল্লরিগর পারে বড়েইজারির কাদাত চিকারী আগ ছনলো। গাঙর কুকুর কতোগ উপেই নিশা মাওয়া রহিতারা। তা বল্লম্ জুংকরে ধরিয়া আক দাবে অউপেইত ফৌঅইলগা। বড়েইজারিত চিকদিয়া গাঙর মদাপী বেহারী মদত বইতলগ চেংকরে ধরিয়া কুকুর অউতার লগে লাগেছে, “শাল, কুকুরতো কুকুর, হাবিলদার বেহারী সিংকো পেইচানতা নেহী, হে? শাল, শালুট খিচো—” বাবাসেনা নারগ ছনিয়াই চিনল, তহক ইপালর পুতক

মিলিটারি পেন্সনে আছেছে বেহারী। তা বস্ত্রমগলো কুকুর অউতা ভালকরিয়া বেহারীর বেদে টচগ মারতেই দেখল বেহারী নেশাহানে আকয়া উবাঅনি ছুরারিয়া ধূলিত গডাগডি দিল। টচর মিঙালহান পডতেই বেহারী ধমক দিল, “আহ্-আটআপ, রোশনি বন্ধ করো।” বাবাসেনা ইম্পানি অয়া বস্ত্রম টচ থয়া পছরিগন্ত লপহান বুজে পানি আনিয়া বেহারীর মেইথঙে ডিটা দিল। খানি পিছে তারে ধরিয়া উবা করে দিল। বেহারী তারে কূপকরে কতোহান চেয়া আহানি অকরল, “—অ—~~থ~~—বাবাসেনাদা—হাঃ হাঃ হাঃ”—বাবাসেনার মাততামকরল, হজাক থা—যে...গুড্ ভেরি গুড্। মানুরে হজাগ করেদে। আমার অউতারে কাকের, দালাল অউতারে চিনা দে। জরুর প্রমোশন মিলেগা। হাঃ হাঃ হাঃ। আমার দাবী দেনা লাগতই, আমার দাবী দেনা লাগতই বিফুপ্রিয়া মণিপূরী ভা-ষা জিন্দাবাদ, জিন্দাবাদ।” মদর নেশায় টলে টলে গাঙর পথগদে উদালা অছেগা মদর বইকলগ গছেদে তুলিয়া জিন্দাবাদ জিন্দাবাদ বলে বলে ধরমুখা অউল বেহারী। লমইলগা মদচিটা ছিকদে ছিকদে মাটিত ছিতারতে থাইল। বাবাসেনা কিতাও না টটরেয়া বস্ত্রম বারো টচগ তুলিয়া কাকেকই কারল। হুনার গাঙ এহান চুকিঙে জাবুর দিলা। রাতি নঙেই নঙতলঙ তামর অ’ড’ড’লো বই গাব। তা টচগ গাদ্দে গাদ্দে লৌদিল...“হ-জা-গ—থা-য়ো।”

খানি আগরেয়া গাঙর ক্রাবগর ঘাঙে উবা অইল বাবাসেনা। ক্রাবগর উঠানে প্যাট্রোমাক্স অংগ খালকরিয়া গাঙর গাবুরাপুরেই পুরিজেলেই পুলছি। প্যাট্রোমাক্সর মিঙালে বাবাসেনার বস্ত্রমগর ফলাহান বারো কাকালিব পেটিত গ্রামা সুরক্ষাবাহিনীর পিতলর চাকাহান আকফির ঝবক কবল। বিকাশ, প্রভা, দীপা, স্বপনগাছি ধলা চেত রাঙা মুকলো কিতা কিতা ইকরে ইকরে কাপা ডামর টমাত ময়দ’র গমলো নাপকরাত লাগেছি। ছাত্রনেতা অখিল বারো ধনবাবু মাস্তরে অাত টিঙদে টিঙদে তুলাতুলি লৌদিত’রা “...মোর সংগ্রামী বেইবুনি। আমার সাংবিধানিক দাবীহান মাতৃভাষাত লেরিক তামকরানি এবুজো নাপাছি হান্ধে আমি ভোট বয়কট করিয়ার।

সরকারে আমাবেলো রাজনীতির গেঞ্জী খেলার। এ স্বাধীন দেশ
এহানর আমিতে নাগরিক নাগইথাঙ? গিরিগিধানী, সরকারে অর্জুনর
কত্রিয় রকত দাবদের এ সিংলেই ছিড়ে ছিড়ে কাচা রকত ছিটা
দিতাডাই। ধনবাবু মাঠেরে খলপাঙে হমেইল, “ভোট দেনা
নাদানি এহান আমার গণতান্ত্রিক অধিকারহান। আমার প্রতিনিধি
নেই। আমারকা টটরাকুরা নেই। অউহানে আমি আহের
ইলেকসনে ভোট বয়কটর ডাক দিয়ার বারো ডিল নাকরিয়া আমার
সাতদফা দাবী পূরানিরকা দাবী জানেয়ার। আহের কালির গণ-
মিছিল এহান আমার আন্দোলনর পর্যায় আহান। আমার জিংতা
অনির খংচেল আহান। বিষ্ফুপ্রিয়া মনিপুরী ভাষা, জিন্দাবাদ,
জিন্দাবাদ। বকলয় বাবাসেনা হাবি কথা উপনি ছুরারলও হারপেইল
ভোটর দিনে ভোট দেনাত নাযানি। কাচা রকত ছিটাদেই বুলা
অউপেইত মেস্তমকারকা অইলও তার রকতেও মিছল আগ কাইল।
নিজর ঠারহান নাযকো। বিস্ত এসাদে আন্দোলন এ গাঙেও অইতে
তা দেহেছে। এতার আগে “গোলাপবাবু, অউতারও আগে সেনাবাবু
গাছিও করলা। জেলেও গেছিলাগা তাও কনাক অয়া লগ ধরেছিল।
দ্বিদিনকার হুংকারগনা, পিছে বারো পানিকাটা। এতাও ঘুমে
আছিতা। ঘুমর মাহাকে হজাক মাহুর সাদানে আটাফিরা করতা-
রাতা। তা বারো কর্তব্যত কাকেই কারল—হ—জা—গ থা—য়ো—

দুই

“বিষ্ফুপ্রিয়া মনিপুরী ভাষা জিন্দাবাদ জিন্দাবাদ”—বিমানকার
পাতলী খুরাহান সেচতে না সেচতে গাঙর মালঠেপেস্ত জয়ধ্বনি দিয়া
বাল মাংকাঙ বারী বারা সালইলা ডাঙর মিছিল আহান, শহরর
ডি. সি অফিসগ দিশা করিয়া। মালঠেপর টুল্লির ধলাপারো বারো
বাহার গাছর বগা চিকারিগত উত্তখাত অয়া জম বেলেয়া রহে রহে
ফরদিলা। ইমা ইন্দল, বুজন, পুরিজেলেই, গাবুরাপুরেই পারেও
ইলয়া ফেস্টুন ধরিয়া চিকারি দিয়া আগুরেইলা। ঘরে থা পড়লাঙ্গ
বহক লকেই কতোতা ধূপর চাতি হেইকরিয়া ভিনজোড়া পথে মেইঙক

করল। কতোটা শৌখকরিয়া পিঠির খণ্ডচিলেছে নিকুলিয়া চেয়া
খাইল। ধান কাপাত পড়েছি বালাউলি উবা অইল। কাচি ধান
সুদা আতহানি গজেদে তুলিয়া তামুও লো দিল—জিন্দাবাদ,
জিন্দাবাদ বাবাসেনা রাত্তি জাগরণর ঘুমহান বাগিয়া উঠানে
নিকুলিয়া মিছিলহান চেয়া খাইল। তার আহিথম মানারকত। বেহারী
এবুজো কুন্তকর্ণর সাদানে বারা বুলনদিয়া ঘুমজিয়া আছেছাৎ।

বেলীহমানীর পরে আন্দোলনকারী গাঙে আলখক আহিলা।
তামু ভাতর বকে পানির টাটিয়ে পাতামরা অছিথাওও উল্লাস
আহানাত বিভোর অছি। মিছিলে যানা হুরারেছি শৌ বুজন য়ারি
তনানিরকা তামুরে বেডি দিলাগা। সুখচা, অখিল, ধনবাবু মাষ্টরর
খতাত কাপক ফুটের—

—মামরেণ্ডামহান ডি, সি গিরক নিজে নিকুলিয়া হাকির মুঙে
গ্রহণ করে দিল।

—বারোমুনি, মেহেরপুর, বিক্রমপুর হাকির লয়াত্তও মামু
পুলছিল। জিল্লাগর পথঘাট চারাপহান অছিল।

—আলখক অয়া আহিক বুলতে জনমেতা করিম উদ্দিন পৌহান
তনানিয়ে অয়া কাপেয়া পড়িল। করিম উদ্দিন বারো ডি, সি, গিরকর
চেষ্ঠায় জিল্লাগর রাজনীতিবিদ, শিক্ষাবিদ বিশিষ্ট মামুরেলো রুক-
দার বৈঠক আহানাত অামারে ডাকলা। হাকিরে তিলয়া আবেদন
আহান লগে লগে স্বয়ং রাষ্ট্রপতি, প্রধানমন্ত্রী, রাজ্যপাল ইত্যাদি
গিরকগাহিরাং দিয়া গেঠেইলা যে এতা লায়্য সংবিধানিক দাবী।
স্বাধীনতার পিছেই পূরণ করানি থকছিল। অউহানে বিধানসভা
হঙইলে পইলা অধিবেশনে এহানর বিহিত বাবস্থা করানি অক।

—আমার আজিকার মিছিলহান সার্বক অইল। রাজ্যপালরাং-
তো চিনুকরিয়া রাষ্ট্রপতির টনক লড়িল।

‘হরিবল হরিবল।’ পুলছিল। গাঙর মামু হরিধ্বনি দিয়া ধরেন্দে
সালইলা। বাবাসেনাই ধনবাবুরে তুপসাম আংকরল “মাষ্টারকাবু
আমিতে মেয়েক নাদেহেছি মামু। টটরলাই এতা হাবি উপো
হুরেইলাং। তুমি লেরিক লেইশো তামকরেছ জাতর থস্বেইহানি।

হাশ্বে, এমারি ভোট নাদানি অউহান লেপইল নাগইতা ?

‘আমিত্তে নাদানি অউহানতই লেপছিনাই বাবাসেনা । পিছহান চেইক... ।’

‘অবায় পিছ আহানও আছে খাঙ !’

যেসাদে পেইরাক ভোট বয়কটর ডাক দেছিল। অউসাদে পেইরাক বারো ভোটর তিনদিন বাকী থাকিতে ডাকহানও প্রতাহার করানি অইল । গাঙর মানু লাঙইলা । লয়া লয়াস্ত ছাত্রনেতা আয়া মিটিঙ ডাহিশা সিদ্ধান্তহান হাবিরে হারপুরেইলা । রাতিনঙেইত কাল। এমবেসেডর আহানাত করিম উদ্দিন এ গাঙে অছিল । মানুরে যুমেত্ত উঠরেয়া মালঠেপে মিটিঙহান বইলা । বেহানাত সিতারাছে —এমারি এ চকুও করিম উদ্দিন যেসাদেও জিতই । ধনবাবু মাষ্টর বারো সুধম্মা করিমর বাঙেদে বাঙেদে চেপো চেপো বছি । অখিল ডিগল ভাষণ আহান দিয়া খামতলেদে মাতল, ‘...গিরিগিধানী হাবিও জনলাং আমার হৌদিনকার মিছিলহানর মাতুও ইলয়া আমার মাননীয় রাজ্যপাল গিরকে ছাত্রসংস্থার যুকসিবাং ইকরেছে যে নির্বাচন এহান হাবির সহযোগিতালো শান্তিপূর্ণভাবে অয়া যাকুগা । নির্বাচনর পিছে বিধানসভা হউইলে দাবীদাবা এতার বিহিত ব্যবস্থা অইতই বুলিয়া গিরকে আশা থর ।’

‘ভালো ভালো ভালো ।’ হাবিরে হারো অয়া আতর তালি দিলা । ধনবাবু মাষ্টরে করিমর কানে কানে ফিস ফিস করে য়ারিলো গন্টাল আছে । অউহান বুঝাদেবতা গাউপি । —“অউহানে ভোট বয়কটর ডাকহান আমি প্রতাহার করলাঙ । এবাকাতে কারে ভোট দেনা করিম উদ্দিন গিরক আমার চকুও উগাছে । গিরকে হেইচা আহানলো আহেছে । তারাং আমার মাতিলতা মাতিক ।” বিকাশ থক উদাইল । আকদিনকালি সভাত নাটটরাছেতা থকয়া তুপসাম-মাতল, ‘করিম উদ্দিন গিরক । আপনি জিঙলে আমার ভাবারকা টেটরতাঙাই বুলিয়া আজি এরে দৌ-র মুঙে সংকল্প করিক । অউগাইলে য়াকরতাঙাই । নাইলে কারও বিশ্বাস নেই ।’ কান্দিহানে তা ফ-ফরেইল । কান্দিহান জবরগ কিতান্ত কিতা

মাতে বেলব বুলিয়া হাবিহানে থাপাকালি করিয়া বোরেইলা।
 শুধুতাই উবা অয়া পারিচেত করে মাতল —“ সংকল্পতে করানিই
 লাগতই এবং হাবির বুড়ে। এহান ছাড়াও আমার এ গাঙ এহানর
 আরাকউ সমস্যা আছে অউতাদেও মিলেও দেনা লাগতই। গাঙর
 মানু হাবি আটিয়ার সড়ক এগ বন্দিয়ার পরে আঠু আঠু অর।
 পিল পানি নেই। স্কুল আগ গাঙর ভিতরে নেই। যুবক যুবতীয়ে
 সংঘ আগ লিখাত করেছি অউগ সরকারবাংতো পইসা আহান
 নাপাছি। গৌবরণে বাগেছে বেবহানি পেয়াও মেরামত করানি
 চুরারেছি। মালঠেপগর তিন আহান লনা চুরারেছি। চাকুরী নেয়া
 শৌ ঘরে ঘরে বেকার। আর কতি মাতাও লিষ্টহান ডিগল আছে—”

ধনবাবুরে করিম উদ্দিনর কানহানাত খতাহান খেওকরল।
 করিম উদ্দিন মাফলারহান জুংকরে বেরেয়া উবাইল,—“আমি সর্ব-
 সমক্ষে আপনাদের মন্দিরের বিগ্রহের সামনে শপথ করছি, যদি
 নির্ব্বাচিত হই তবে আপনাদের ঐতহুপূর্ণ ভাষার জন্ত লড়াই
 আপনারা ভোট দেন বা না দেন আমি লড়াই করবই। আমার
 হিসাবমতে আমি জিতবই। এই গ্রামের তনহাজার ভোট নাপেলেও
 আমি জিতবো। তবুও লড়ায়ে নেমেছি যখন আপনাদের কাছে আমি
 এসেছি, এবং আসবো। হাত পেতে লাডাবো। রাস্তা, স্কুল, পানীয়জল
 বেকার সমস্যা দূরীকরণ সরকারের বিশদকা কার্যসূচীর অঙ্গ। আমি
 প্রাণচেষ্টা করব। গ্রামের মানুষের মুখে হাসি ফুটিয়ে তুলবো।
 এক্ষণে আমি নিকপায়। তবুও আমার পক্ষ থেকে মন্দিরের উন্নতির
 জন্ত একহাজার, আর ক্রাবের জন্ত একহাজার যৎসামান্য এই উপহার
 এই দিল্যম আপনারা শুধু আশীর্বাদ করুন।” —রূপা দ্বিহাজার
 টেবিলহানাত থরা বহিল। হাবিয়ে আতর তালি দিল। মারাও
 কায়া কতোগই, ‘করিম উদ্দিন জিন্দাবাদ’ বুলানিয়ে চারিয়বারাদেস্ত
 লৌ উঠিল ‘জিন্দাবাদ জিন্দাবাদ’। গাঙহানর হৌমুরে ইয়েণ্ডি বাধগত
 বাহিয়া আহিল — বাবাসেনার খেঙ, খেঙ, নারগত, ‘হ—জা—গ থাযো
 হ—জা গ।’

তিন

ইলেকসনর আগর রাতিহান। ক্রাবর যুবক যুবতী বারো গাঙর মাছু আধারহানতও সড়কগত মারাঙ কাছি। য়েগদে চেইতও ডেউটির মিঙাল। অখিল, স্বপন, সুধত্যা হাবির আতে লাঠি। মুঙে মাকলার-হানলো মুবাষদিয়া ধনবাবু মাষ্টর। ‘বেকু আগ গাঙহানাত হমানি দেনা নেই।’ অখিলে মাতল, বিকাশ, স্বপন, প্রভা, দীপা, আজিকার রাতি এহানেই মূল কামর সময়হান। কালি বিমান্ততে ভোট আরম্ভ অইতই। রাতিহান না ঘুমজিয়া অইলও কাটানি।

—হুশিয়ার অস্ত্রদলর মাছু যাতে রাতি গাঙে হমেয়া আমার একতা বাগানি হুবারানি। ভোট আহানও যাতে করিম উদ্দিন ছাড়া বারাদে নাপরানি।’ ধনবাবুর নারগ। অখিলে মাতল, “এবাকাতে সিলইক। বিকাশ, স্বপন, প্রভা, দীপা তুমি মুঙর লেইকি অয়া গাঙহানর লমনি পেয়া বুলিয়া আহগা। ইমে বেসুরা নার পেইলেই ফালদিয়া পড়ানি। আমি, অজায় মিয়ে, সুধত্যা দাই মুঙর দেউবালী গাঙহান লমকরিয়া আহিকগা। তানু খেয়ইলা। সুধতায় নিংশাহান বেলেয়া মাতল, “উহ, এগিরে খেইকবলাংতা নিংশাহান পরিল পারা। নাইলে হাবি পও অ পড়িলগাইছ।”

অখিল, “বিকশ ঔগনা বেশেপগ। অজায় কিতা নাকরের। বাকী অউতাও আনেছি এতা দেখলে।”

সুধত্যা—উম্ বাগরর জায় আলাগি। এবাকা যুগহান তঙাল অইল। হুবা সায়ার বুলতে এতা উঠয়া ধানর জাত নাহেইতাই তেইছ। এবাকা পাঠশালার মাষ্টর আহানরকাও দশহাজার লাগের। অথচ দাদা গা ছর হাকতাক অউহানাত, হে ধনোদা—

ধনবাবু — “উতা দিন গেলগা। জারিকেনগি, চেকচিল অইছ।” য়ারি দিয়া দিয়া তানু লপুকগত লামলা। পেইরাক ধনোই মাতল,— ‘হেই পিঠিয়েদে লেটনগলো কুংগ। সুধতাই জিঙধরে চেয়া মাতল, ‘তুমি এপেইত থাই মি চেয়া অহিংগা।’ লাঠিগ জুংকরে ধরিয়া বারো আলথক অয়া সুধত্যা সড়কগত কাইলগা।

‘অ-ধনো-ইপু-।’

‘অবায় শুধু কই মোর বিকাশভে’

‘অ ইপু এয়া একা কা মুড়র লেইকিয়েদে গেলগা। কিতাও নেই না খালকরি। আমি আছি নাই।’ নারগ ছনিয়াই অখিলগাছি হারপেইলা বিকাশর বাপক। ‘হাই-এ—কান্ধি এহানর জবর এহানে। কুস্পেইত লাগেছি বুলিয়া ছনিয়—।’

‘কিতাও নেই ঘরে যাগা। হানুতে কালিতে ইমে ডালল আয়া ধানর চেইগত ...।’

‘হেরা দিতৌ দিতৌ। শুধু, পিছতানতে ইমে আছোনাই। বিকাশরকা চাকুরীশো আহান করিমরে মাতিয়া—’

‘অইতই - অইতই—। করিমহ পাকনে চা।’

‘পেইতই। দেঁরাং মাগিয়ার চরে কুম। আহিংগা।’

শুধু আলথক অয়া আয়া জারিকেনগি তুলল। বারো লপুকগ ফারি দেনা অকরলা।

‘দেতা শো এগুলি কতি বিপেক নেয়ছেতা?’ —শুধুই মাতল।

‘কুওগ?’

‘এরে বিকাশবে না। হাঃ কনাকতো পালের বাপক এগ মরানিও বিত্তা অইলগা। মেলেটারিত হমেয়া অইলেও তোর কামেইর হকর ভাত আকচারা খোঁয়ানে। বি.এ.ত হে হমাছে। আজিকালি বি.এ পাশ করিয়াও কিতা? মোরে মাতলেও যে সে লাইন আগ করে দেউরি।’

জারিকেনগ থয়া নাকগ ফিৎকরিয়া পু ছয়া বারো আটানি অকরল শুধু।

‘অউরে গৌরর পুতকরতা শিক্ষামন্ত্রী পাঠ করে ধরিয়া ডাইনে বারে চাকুরীহান আনে দিলু। এতা লাইন নাই। বডি থো করানি জানানি লাগের।’

‘হেই কিতার শক। গুলির শক মালছে।’ হাবি চপ্প উবা অইলা। ধনোমাষ্টরে মাতল, ‘অউরে বায়ু কোণ উগ ওলছে পারা নাগইতা?’

‘চুমইল । এতা গুলির শব্দ নাগই—বাহা ফুটেরতা । সাবাস ।
খনপুর গাওহান জি লাগিল । ইস্ জবর হবা অইল । প্রবীর চৌধুরীর
ফিঙ্গি বাগিল । নাহ্ করিম জিঙানিত পড়িল ।’—সুধা খুশী অইল ।

‘কুঙগই জি লাগেইলতা ? ভোলানাথ দাসে ?’ অখিল খাঙইল ।

‘নাহে—করিমে করিমে । মানুহে নিঙকরতাই তাই ভোলানাথে ।’
সুধা বারো নারগ সেঙ্করল । ‘অউতাইলে লাহলেহে করিমর
লগে তিলরাই—অবশ্য আরুপী কথাতে তুমার লগে থাং; অউতাতে
এরে সুধার লগে । এতা লাইন নাই । কতো ইলেকসন খেলনাং—

‘হেই অইলগা এরে । টুকের গাওহান পেইলাড । সুপ শব্দ নাকরিয়া
ইয়েঙিগ লালটুক্ ।’—আগরে আগই সিঙ-করলা । হৌপারে
দেস্তরালীর গাওহান । তানু ইয়েঙিগত কাইতেই পাচ পেটারী টংগ
করক করল । ‘হেই কুঙগী ?’ বাবাসেনার খেঙ খেঙ নারগ । বল্লমগ
আঙাছেহান দেহানিয়ে সুধা, অখিল আকফালে বস্তুউতালো
খনবাবু মাস্টেরর পিঠিত আশ্রয় লইল । খনবাবু আশ্রয়েরা—‘অ
বাবাসেনা । আমি না । ভোটর কামে অটিয়ার তা । বেরু আগ
হমানি দিবেকো । আমার একতা বাগানি নার । হাটো—’ মাতিয়া
বাবাসেনারে বেলেয়া ইয়েঙিগত লামিয়া তানু আঠু আঠু গাটহান
লালইলাগা । বাবাসেনা খনবাবু মাস্টেররে খা-করে চেয়া খাইল ।
সুধারেতে ইমেও দেহে ছুরারেরগ । গাঙ এহান কিতা অইলতা ।
গোলোকচান পঞ্চাইতে আকুড়ি পনর বছর আগে বল্লমগই টংগই
দিয়া সমজাছিল,—‘বীর পুস্তব বাবাসেনা, গাঙ এহান তোহান,
পাহারা দে ।’ কারে পাহারা দিতু । চর ডাকাতিতে আকদিনেরও
নেই । এবাকাতে গাঙর মানুহে নিশাচর অইলা, মাস্টের পেয়াও’
বাবাসেনা উত্তেজনাও তার বিড়িগ কতো কামড় দিয়া মাটিত
জাঙহানলো যুজুরিয়া নিভা দিয়া ঢালাক কাকেই কারল ।

দেস্তরালী গাওহান পানা ফাতনেই খনবাবুগাছিরে দেহিয়া কুকুর
কতোগ ইমে গজে পরিক পরিক বুলতারা । ফারা কাশ্বরে হাদিঙ
লখিয়া লৌগ দিল—‘কোন হায়রে কোন ?

- ‘হেই আমি না। কুকুরগ ডাক।’ ধনবাবু মাষ্টারর নারগ।
- ‘ডুলু অ’-আ। তু কোঁন?’ লেমগলো উঠানে নিকুলভেই তারুরে দেহিয়া মাতল—‘অ বাবুয়া নমস্তে।’
- ‘লখিয়া। রামদাস ভুজুরাগাছিতে? হাব্বিরে ডাক।’
- ‘হে রামু, ভুজুরাহো……’ উঠানর আগাত্ত লৌদিয়া ডাকদিল।
- ‘আগে মারেই টিপেয়া চেইক পিছে হজক।’
- ‘অজ্জা, এতাতে এবুজো না ঘুমজিয়া আছিতাত্তে।’
- ‘হারপাছিনাই আইতাঙাইহ’ন। পেইতার। দিনহান নাই। বই, এতার লগে কারবারতে হুদা আজি ধাং—হ—‘সুধায়াই না লমকরেছে হরিজন গাওর মানু পুলইলহা।’
- ‘আহ আহ এপেইত বহিক।’ হান্তে রামদাস কিহান লেপকরলাই?
- ‘করিমরে নাই দিতাঙই।’
- ‘নাই দেইবজা, নাই দেইবজা। কভি নাই দেইবজা।’ হাব্বিরে লৌদিলা।
- ‘কিয়া দিতাঙাই করিম কুনোদিন এপেইত আহেছিলতা?’
- ‘তু চুপ কর - হাম বলেথোনি।’ মাষ্টরজী আমি মজহুর ইউনিয়নেত্ত চিঠি পেইলাং পরবীরজীরে দেনা।
- ‘হাঁ, মেহনতী আদমীকো দোস্ত। ইউনিয়নকা’ -
- ‘চুপ করতানি। লাক কথা আমি লেপইলাঙ—পরবীরজীরে দেনা।
- ‘পরবীরতে আহেছিলতা? দেছিলতা নিদানর সময় খানা, কাম কাজ
- নাদলেও হাব্বির নাঙে ইউনিয়নর চিঠি দেছে নাই।
- হাঃ হাঃ ইউনিয়নকা লাল চিঠিয়া নায় হো?
- ইউনিয়ন, ইউনিয়ন। কাগজ অউতা থেয়, থাইয় সুধায়াই সৌ-অয়া মাতল—, রামদাস তিতে ঘুরবী মানুগ। মাস্তা সরকারে ইলেকসনহান লেহে ফুতিফালি নাদেছে কসম থেয়া মাত, মি নিজর আতলো নাদেছ?
- বাতরাতো ঠিক বলোথুরা হো—লেকিন—
- ‘লেকিন।’ পিচুমগি কুচকরিয়া রামদাসরে কূপকরে চেয়া, হাব্বিরে মিলেঙ আহান দিয়া সুধায়া গন্তীর অয়া মাতল, উম লেকিনও আছে

খাটিত), বেবাক । করিম উদ্দিনে তুমার আত্মা গাওহানর ঘরগলেহে
কম্বল আহান, ভোটহানলেহে ১০টাকা বারো জারিকেন্ বুজে মাল ।

—ধনবাবু রূপার বাণ্ডিলগ জেপগন্ত নিকাল্ । অখিল দাবদে গিয়া
খাগারার ছপাগন্ত জারিকেনগি বারো কম্বল মুওহানাত থইলহা ।
তুমার কামহান হুদা ধনার চেইগত ছাপা দেনা । বাস কুন হিন
নেই কুন ক্ষতি নেই ।

—কাহে লখিয়া তুভিতো কুহ বলবে ।

—ভাইয়া হামনি গরিব আদমী বানিজা । খানি ভোটকে খাতিন এন্তনা
রূপয়া কপড়া মিলে থো, কেইসা ছোড় দি ভা ।

—‘আউর মালভি বহুত বড়িয়া বটে ।’

‘একদম খাসা । তুমি নাকরলেতে আলখক নিক্গা ।’

—‘তো ফির দেইবজা ক্যা বলথুরারে লখিয়া, ভজু ?’

—হ্যা, হ্যা, দেবল্ জই দেবল্ জউ ।

দেস্তরালী গাওহান লমকরিয়া বারো লপুকগত লামলা ।
এবাকাতে গাওহান বাকী থাইল । অখিলে মাতল, ‘কালি এ দেস্তরালী
এতাই দিতাইতা ?’

—নাহ্ দিতাই বাই পেইলা এতা রাস্তি এহান জেলেয়ে মুনিয়ে
পিয়া দিতাইগা ভোট অউতা হাবি হায় চিনৎহানাত পরতই থাঙ্ ।
মালট প্যাপাব আকেইহানাত চারিপাশ ছাপা পডেত সাকিন নেই ।
প্রায়ই কেনসেল অইতউ ।

—‘অইলও প্রবীরর ফিল্ডগতে বাগিল নাই ।’

‘এবাকাতে আমি এপেইত খেই-অইক্ ।’ সুখছাই মাতল । দাদাই
অখিলে বেহারীগাছিল লেইকিহান আগে লমকরগা । অউগ ঘরে
আলনির আগে মি তারে পথে সামালতো ।’

—‘আজিতে আছে রূপা এতা হরিলুট দিতাঙাইগ । চেইক কিসাদে
অন্তগদে ভোট দারগাতা ।’ ধনবাবুরে জেপগর রূপার বাণ্ডিলগি
আতহানল সকইল । তানু কাকেই ডিগল করলা । সুখছা সরকারী
পছরিগ দিশা করিয়া আগুবেইল । বেহারী এলা দিয়া টলে টলে

সরকারী পছন্দিগর কাদার কালপাটগ পানা ফাৎনেই সুধুয়া আধারগত
তার মুণ্ডে উবা আইলগা। ফিস্ ফিস্ করে ডাকল—‘বেহারী অ বেহারী’
—‘স্মাট আপ্। হাবিলদার বেহারী সিং। স্মালুট খিচো। ফিস্তি
দেখতা নেহী? আসাম কাইফেল, টুরেলভ প্লাটন—’

—‘বেহারী মি এনা—’

—স্মাট আপ। মাঝুলী সিপাই হোকে শালা কোর্ট মার্শাল কর
দেগা—কোর্ট মার্শাল। কিয়া নামহে তুম্হাবা—

—সুধুয়া সিং।

—‘সুধুয়া সিং। সু-ধুয়া কিয়া? সু ধ অ-অ-উম।’

‘হায়-এ তোব লেংকা সুধুয়া। এবাকাও হাবিলদারগ অয়া থাইলে
হাস্তে তিলনি পারলাংতা। হায়দে এরে স্মালুট দিলু, হুশহানতে আই।’
সুধুয়া মিলিটারী কাইদাই স্মালুট দিল। বেহারী ফাক ফাক আহিতে
আহিতে মাতল, ‘মাত্ত কিতা?’

‘হায় কথাহানতে’—

—‘ইলেকসন, নাগইতা? মি অউগরে নাদভো। করিম হারামি
অউগরে বিশ্বাস কররাইতা? দিতই তুমার ভাষা, পথ শালা। তি
অউগর দালালগ না সেচ। অউগর জাঙ লেহর লেকগা, লেকিন তি
কিয়া গাঙহান হাবি তারং বেছভেই। কই মহামায়া মাষ্টর অউগতে?
সমাজ সেবারী-নিগ্রাসঘাতক বজ্জাত। তুমারেতে কুকুর ডেকি
গুলি করানি। আমি মায়ে হিন্দুস্থান বলেছি মাঝু।’

গালিহান সেরকো হজম করিয়া সুধুয়াই মাতল—‘অউনা নাগইগদে
গেলগা তিও উপায় নেয়া এবাকা দেখীতা আছুলর। হাকতাক
আহানও ছুটহানলেহে আমারে খাটিতা পিরেইলেগনাই। এবাকা
তোরে থয়া কিসাদে বুলতে—’ জেপগত্ ত লিকলিকা বইতলগ
নিকালল সুধুয়া। অউগদেহিয়া বেহারী আরাকও ফাক্ ফাক্ আহানি
অকরল, “হাঃ হাঃ চালাক, বহুত চালাক হো গিয়ারে-হাঃ-হাঃ-হাঃ।”

খাঙতা বারো সোঁঅয়া সুধুয়ার কলারগত ধরল। “হাবিলদার
বেহারীরে বইতললো লনাত আহেছৎ। হারামি কাফের।” বইতল
অউগ পরকো কারোলয়া অউগল সুধুয়ার মুরগত বারেয়া ফাটা দিল।
তার চুলগত ধরিয়া বেহারী কিলানি অকরল। সুধুয়া জ্ঞানহান
এরাঁদিয়া চিকারি দিল। লোঁনালোঁনি জুনিয়া ক্রাবগর বারাদেও বিকাশ

স্বপন বারো আর আর গাবুরাপুরেই লাঠিলো দাবদে আইল। তানুরে
দেহিয়া বেহারী আরাকও হিঙ্গ্র অইল। সুধস্তারে এরে দিয়া
শাহেনশার সাদানে পথগ খেংকরিয়া উবা অইল বেহারী।

‘হেই মুখর দল, উবায়। গাওর মানু হাবি দ্বিহাজারে নিলাম দিয়া
ডাওর অছতা। কই তুমার সমাজ সেবী মাষ্টার উগতে। ক্রীতদাস।
অউতাইয়ো বারো বিষ্ণুপ্রিয়া মণিপুরী ভাষা, জিন্দাবাদ বুলিয়া
লৌদিতারা—খুঃ খুঃ— ‘আচ্চা মাতলামি করানির ফাম নাপাছত।
ইমাঠাররে গালেইতে, ধরো, বারেই। উদ্ভেজিত যুবক এতার তুলা-
তুলি লাঠির বারিত বেহারী লটাগ অয়া ধূলিত গড়াগড়ি বেইল। তার
মুরগ কাটিয়া রকত ছুঁনি অকরল।

—‘হেই তুমিতে কিহাম বুলিয়া কররাইতা, এরে। লমকরলাই।’
সুধস্তা লৌ-আগ দিল। লৌদা লৌদি ছনিয়া বাবাসেনা বল্লমগলো
দূরেইত্ত লৌদে লৌদে আহিল। টর্চগ বেলেয়া বল্লমগলো দস্তুরমত
গাবুরাপুরা এতার লগে লাঠি খেলা আহান করল। লাঠি কিতা
সিক্দিয়া সড়কর খাস্তাদে পড়িলগা।’ হাবি এরলা। বাবাসেনা
চিকারি দিল—‘বেইবুনিয়ে বেইবুনিয়ে রকতলো হনাহিনি অকর-
লাইতা। স্কুলে কলেজে এতা হিকরাইতা। তুমার মাষ্টার অউগই এতা
হিকাছিলতা।’ তার মুবাদদেছে মাফলারহান খুন্দিয়া বেহারীর রকতে
হিনাছে মুরগ হবা করে বাদে দিল। মেইখণ্ড কিতা পুছে দিল।
বেহারী ছশহান আনাই লৌ দিল।—‘মি না এরে ‘দা’কো। হাবিরে
গুলি করতো। বাবাসেনা তারেও ধমক আহান দিল। কাদাবারার
ঘরেত্ত মানু পুলইলা। আগই মাতল, “মতরা বেহুশ মাছুগই কথা
ছহানআহান মাতল কিতাইল। অউতা বুলিয়াতে—”

—‘কিতা কুঙগই মাতলগ। মুঙে আই। বেহারী নিকরে নিকরে উবাইল।

—‘মি বেহুশ। ঠিক আছে।’ বুকগ খাপারা খাপারা মাতল।—‘এ
বেহারী মদ পিয়া বেহুশ। ঠিক আছে।’ তুমি জাতহান হাবি মদ
নাপিয়াও জনমহান কিয়া বেহুশ? কিয়া? বছরর পিছে বছর নিলামে
কাবাইতা, কিয়া?

‘—কিতা কমেই চাবাইতা যেইগা। যেইগা’—হাবিরে খেদিয়া
বাবাসেনা বেহাবীরে কলকরিয়া ধরিয়া আছুলে আছুলে ঘরেদে
সালইল। বেহারী লৌ-মেলে মেলে চিকারী দিল—কিয়া? কিয়া?

ইলেকসনহান লমইল । আকদিন ফলও নিকুলিল । করিম উদ্দিনর গারগ ফুলর ডাল্লো বুজিল । সৌকরার পর গিয়া বরিষার পর আহিল । বারো গাওর পথগ অপদ অপদ আইল । বিধানসভাও হওইল । করিম এম. এল, এ গত্তও মন্ত্রী আগও আইল কিন্তু আমার ভাষার কাইলহান দিল্লী, দিসপুর দিয়ো গোলপোষ্টর হাদিত থঙ খেইতে থাইল । বিকাশ, স্বপন, বিপুলগাছি ব তুলতুল গাল দাড়িয়ে ছেইল । অখিল এবাকাও মেত্তমকা গাঙে আহের অউবাকা অনশনর ডাক দিয়া দিয়া আন্দোলনহান জিঙতা করিয়া থছে । সুধন্যা বারো ধনবাব মাস্তরবাং বি বেছে বেছে গাওর লেইরাপা ইমা বাবা জিপুতর চাকুরীর লটারীর টিকেট লইতারা । সুধন্যা গাঙে দিসপুব বডি খো করতে করতে নিংখা বেলেইল সময় নাপার । এগদে ক্লাবগর বাগা ঘরে জীবনে সভাত নাটটরাছি, ইম্পানি বিকাশ, প্রভাগাছি মোমবাতি বেরী দিয়া বইতারা । চাকুরীর ফান্দে রুপা মাংকরিয়া ভিটাছাড়া আইতারা মানু, চাকুরী বিচারাত গিয়া করিমরাংতো অনাচার কথা জনিয়া আইতারা গাওর নিঙলশো হাবি তানুরাং নালিশ করতারা । চেইতে চেইতে আরাক আন্দোলনআহান মূর্তিপালয়া আহের । গাওর ঘরে ঘরে চান্দা করতারা । ক্লাবে শা বাগাদিতারা দিনে খেলা এলানাছার ঠোঁরাও কথ তাবা রাস্তি নঙেইত বারো কুম মা রিয়া ক্লাবে মিটিঙ বইতারা—‘আমার আন্দোলন এহান লুয়া আন্দোলন । ধাপে ধাপে’—

পেইরাক স্বপন ফ ফ করিয়া দাবদে লমেইল । তারে দেহিয়া খাঙয়া হাবি চেয়া থাইলা—‘কালি বাজারহানর উপেইত করিম উদ্দিন মিটিঙ আহানাত আহের অউনি । যিকুগা আমি মিছিল আহান নিকালেয়া প্রতিবাদ জানেইকুগা ।’

বিকাশ তারে আতহানলো খামকরল—‘কোন মিছিল না । স্বপন বহ্ । মানুর দোষ নেই । আমার দোষ । আগে ঘরগ ঠিক আইক ।’

—‘উ তাইলে গাওহানরে বারো বেছতে আমি চেয়া থাইতাঙ । আমার সংস্কৃতিরে বাজারে কাকরতে ইম্পানি অয়া থানা ।’

—‘উদ্ভিজ্জিত নাই স্বপন। উদ্ভজনালো কাম নার। মোরে চা।
 মুরগ ঠাণ্ডা করিয়া মাত কিতা অছেতা।’—বিকাশর নারগ আরাকও
 গস্তীর। কতোহান টেবিলহানাত মুরগ নঙেয়া নিজরে সংযত করিয়া
 স্বপনে মাতল—‘কালি করিম উদ্দিনরে মেইঙক করানিরকা আমার
 গাঙেত্ত চোল ঢোলকর দল আহান জুত করেছি। বিদেশেত্ত ডাকুলা
 দ্বিজোড়াও আনেছিগা অউনি। আমার গাঙর হবা শাতহবা নিঙল-
 শৌরে লেইচন্দনলো ফুল হিচে হিচে মেইঙক করতাই। এবাকা
 ধনবাবু অজ্জার উঠানে মেইঙকর রিহার্সেল দিতারা। আমার ছাত্র-
 নেতা, জননেতা দৌলিশিং দৌলাশা হাবি অউপেইত।’ স্বপন বারো
 উদ্ভিজ্জিত অনাই খামইল। হাবিবে দাত কামাড়েয়া বিকাশরে চেয়া
 থাইলা। দূরেইত্ত বাবাসেনার খেঙ খেঙ নারগ বাহিয়া আহিল,—
 ‘হ-জা-গ ধায়ো……’

হাবি চরপকরে উবা অইলা। গাঙর সড়কগলো ইম্পানি অয়া
 আটানি অকরলা—। দূরেইত্ত জনলা তমাল সিঙর ঘরর মুঙে কুকুর
 দাপা আহান আমারাক দিয়া রহিতারা। পেইরাক কুকুর আগ
 অর্তনাদ করিয়া দাবদিল। কুকুরগর চিকারীগত দিনমাটি নিক্করল
 পারা। তামু দাবদে কোঅয়া দেখলা বেহারী ভাগা মদর বইতলগ
 ধরিয়া পথগ খেংকরিয়া উবা আছে। রকতে রাঙা বইতলগত কুকুর
 রমমাতি লাগিয়া আছে। তামুও উবা অইলা। বাবাসেনা দাবদে টটগ
 গাদ্দে গাদ্দে কো অইলহা—‘হেই কিতা অছেতা।’—তাও চপ্প
 উবাইল। বেহারী আহিগি কড়িগি করিয়া তামুরে চেইতে চেইতে
 আংকরল—‘কুরাঙ যারাইগাতা।’ নিকাশে ঠাণ্ডা নারগলো জুরাব
 দিল, ‘ধনবাবুগাছির ঘরে।’ বেহারী মুরগ গজ্জেদে তুলিয়া কতোহান
 খালকরিয়া মাতল, হাটো মিয়ও আহরি। ‘মিয়ও আহরি।’—
 বাবাসেনাইও বল্লমগলো মাটিহানাত পারহান দিয়া মাতল। আর
 কথা নেই। ইম্পানি অয়া রাতির আধারে মূর্তি কতোগ ধনবাবুগাছির
 ঘরগ দিশা করিয়া সালইলা।

০০

স্মৃতি কুমাৰ সিংহ

চিত্রা

মহাকাঞ্চনদ্বীপ গভর্নমেন্ট

অর্থমের জয়াতে

শিক্ষা মন্ত্রণালয়

ফাইল নং : EG. 453.

সাল—1957-58.

বিষয়—স্কুলের অর্থ সাহায্য।

করেসপন্ডেন্স : এস—১।

মহামান্য মহাকাঞ্চন সরকারের শিক্ষা বিভাগ সমীপেযু ;

ভাঙরিয়া সরকার বাহাদুর গিরকরাং বিনম্র মনোভাবল নিবেদন করিয়ার যে পঞ্চদশ পরগনার নিকাশীপুর বুলতারা গাও উহানাং প্রায় ষাঃখেকৈ পরিবার বসবাস করতারা। কিন্তু আজি পেয়া গাও এহানর শো-শোমারারকা এ অঞ্চল এগত্ কোন শিক্ষার ব্যবস্থা নাছে। গেলগা কত বছরে কাদার যবনদ্বীপ অউগত্ দ-লাগ উদান্ত পরিবার এ গাওহানাৎ আহিলা। অউহানেতে স্কুল আগর অস্তাব এহান আরাকৌ নিয়ামকরে অনুত্তব করানি অইল। গাওর মানু হাবির চেষ্টা বারো সহযোগিতাল গেলগামারি প্রাথমিক বিদ্যালয় আগ প্রতিষ্ঠা করানি অছে।

আজিপেয়া বিদ্যালয় এগর হাবি ধরণর থরচ গাওর মানুয়ে টান্দা তুলিয়া চালেয়া আহিতারা। কিন্তু এমারি কেতির পয়লাদে খড়া বারো পিছেদে গোলা আহিয়া কসল নষ্ট করানিয়ে এ গাও এহানর প্রত্যেক পরিবারর আর্থিক অবস্থা অত্যন্ত শোচনীয় অছে। অনেকগরতা নিয়মমত চাঁদা দেনার সামর্থ নেই। অউহানে শিক্ষক গিরকর বেতন সময়মত দেনা নিয়াম কষ্টকর অয়া উবাঅইল। গাওহানর মুখাগত বটর গাছ আকজার আছে। অউপেইত মহাদেবর মন্দির আগ আছে। কাদাত্ পুরানা শনর ঘর আগ আছে। ঘর অউগত প্রাথমিক বিদ্যালয়গর ক্লাশ চলের। ঘরগউ বউবরণ আহানির আগে মেরামত করানি থকইতই। অউহানউ অর্থর অভাবে করে দুয়ারিয়া আছি।

অতএব আমি বিনীত প্রার্থনা করিয়ার যে দয়ালু সরকার বাহাদুর
গাওর এ প্রাথমিক বিদ্যালয় এগরে মাহানলেহে ১০টাকা বারো স্কুল
ঘরগর চারিস্ববারার বেড়, শনরচালহান মেরামতরকা ৫০টাকা এক-
কালীন মঞ্জুরী দিয়া গাওর শো-শোমারার শিক্ষালান্তর পথগ সুগম
করে দিয়া দেয়ারকা বিনয় হেইচা করিয়ার। ইতি—

তারিখ
ইংরেজী ১১ই সেপ্টেম্বর, ১৯৫৭ সাল।

বশংবদ নিবেদক
নিকাশীপুর গাওর
অধিবাসীবন্দ

শিক্ষা মন্ত্রণালয়

নোটিংস্ :

সিরিয়েল নং—১। নিকাশীপুর গাওর পক্ষত আবেদন। (পি-ইউ-সি)

নিকাশীপুর গাওর প্রাথমিক বিদ্যালয়গরকা মাসিক ১০ টাকা করে
বারো স্কুল ঘরগর মেরামতরকা এককালীন ৫০টাকা দান হিসাবে
সাহায্য প্রার্থনা করেছি। অউহান উদ্বাস্ত অওতার শিক্ষার বিষয়হান।
উদ্বাস্ত পুনর্বাসন মন্ত্রণালয়ে যথোপযুক্ত ব্যবস্থারকা দিয়াপেঠাদেনা
য়াকরের।

সি. কে. জি

আর, ব্যানাজী

১২।২।৫৭

১৬।২।৫৭

ইউ, এস,

উদ্বাস্ত পুনর্বাসন মন্ত্রণালয় (স্রী বি. বাসু)।

শিক্ষা মন্ত্রণালয়, ইউ নোট নম্বর ২০৩৫/এফ/৫৭ তারিখ ১৯।১২।৫৭

উদ্বাস্ত পূর্ণবাসন মন্ত্রণালয়

এ মন্ত্রণালয় এগন্ত যে যে স্কুল পুরাপুরি বা মুখাতঃ উদ্বাস্ত শো-
শোমারার শিক্ষারকা প্রতিষ্ঠা করেছি অওতারে সিচ্চিল রূপা পয়সার
সাহায্য দেনা অর। বর্তমান দরখাস্ত এহানাত্ স্পষ্ট মাতানি আছে
যে স্কুল এগ প্রতিষ্ঠা করেছি। গাওহানর হাবি শো-শোমারারকা।
সুতরাং এহান শিক্ষা মন্ত্রণালয়র বিবেচনার বিষয়হান। ডি, এস,
গিরকে দিয়া করিয়া চান। পারের। নির্দেশরকা।

এল. এস. আর,

পি. দাস

১০।১।৫৮

১২।১।৫৮

ইউ, এস,

ডি, এস, (প্রাইমারী স্কুল)

আস্তু ডিগল গাওহানর শিক্ষার দায়িত্বহান হাবি উদ্বাস্ত মন্ত্রণালয়ে
নেনা ছুযারের । শিক্ষা বিভাগরে হারপুয়ানি অক ।

এন, চক্রবর্তী

ডি, এস,

১৮/১/৫৮

শিক্ষা মন্ত্রণালয়

উদ্বাস্ত পূর্ণবাসন মন্ত্রণালয়েত্ত যে মন্তব্যহান করানি আছে অউহান
সঠিক ঘটনার পারেঙে নাছে । স্কুলগ আস্তু ডিগল গাওহানর শৌ
শোমারারকা অয়লেও স্কুল অওগত বর্তমানে নিয়ামপারা উদ্বাস্ত শৌ
পাকরতার অউহান অছুমান করানি পারিয়ার ও শৌ অওতার শিক্ষার
ব্যবস্থা করানিরকা স্কুলএগ উদ্বাস্ত মন্ত্রণালয়রাংত অর্থ সাহায্য পানার
অধিকার । এ বিষয় এহানর প্রতি মনযোগ আকর্ষণ করিয়া বিষয় এহান
পুনর্বিবেচনারকা উদ্বাস্ত পূর্ণবাসন মন্ত্রণালয়ে দিয়াপেঠাদেনা য়াকরের ।

সি, কে, জি,

৩/৩/৫৮

ইউ, এস,

ডি, এস,

আর, ব্যানার্জী

ইউ, এস

৭/৩/৫৮

জে, এস, ও হয়তো চানা মনেইতৈ ।

পি, এস, দত্ত

ডি, এস,

১০/৩/৫৮

জে, এস,

এন, সি, রায়

১১/৩/৫৮

উদ্বাস্ত পূর্ণবাসন মন্ত্রণালয়

উদ্বাস্ত ছাত্রছাত্রী অণ্ডতারমা য়েগ য়েগ স্টাইপেণ্ড পানার উপযুক্ত অণ্ডতারে আমি আমার নিয়মানুযায়ী বৃত্তি দিতে প্রস্তুত আছি। য়েগ য়েগ ছাত্র বা ছাত্রী পরীক্ষাত কমপক্ষে শতকরা ৫০ ভাগ নম্বর পাছি অণ্ডতার নির্দিষ্ট করমে দরখাস্ত শিক্ষা বিভাগর মারফতে দিয়াপেঠা-দিলে প্রত্যেকহান আবেদন বিবেচনা করানি অইতই। দরখাস্ত-হানর লগে নিয়মানুযায়ী উদ্বাস্ত সারটিফিকেট, অভিযাবকর মাসিক আয়র পরিমাণ, পরিবারর মাহু কতিগ। গেজেটেড্ অফিসার আগরেল এটেস্টেশন করিয়া দাখিল করানি লাগতই।

পি, দাস
ইউ. এস,
১৭১৪৫৮

শিক্ষা মন্ত্রণালয়

জুয়েন্ট সেক্রেটারী বিষয় এহান দিয়া করিয়া চাদিক। এ অবস্থাত অর্থ সাহায্য দেনার বিষয় এহান আমিই বিবেচনা করানি লাগতই। এ ব্যাপারে শিক্ষাস্ত নেনার আগে প্রেনিং শাখার মতামত হারপানি থক। তামুর বর্তমান বা আহের ৪র্থ পঞ্চবার্ষিকী পরিকল্পনাত নিকাশী-পুর বা কাদাবারাত কোন স্কুল প্রতিষ্ঠা করানির সম্ভাবনা আছেতা না নেইতা? গাও আহানাত বা কাদাকাদিত্ আগর গজে আগ স্কুল প্রতিষ্ঠা করানি গভর্নমেন্টর পলিসিহান নাগে। প্র্যানিং শাখার দয়া করিয়া চানা পারতারা।

জে, এস,
ডি. এস, (প্র্যানিং)

আর, ব্যানার্জী
ইউ এস
৯৬৩৫৮

শিক্ষা মন্ত্রণালয়

ফ্রেস রিসিট

মাননীয় শিক্ষা বিভাগর সেক্রেটারী

সমীপেষু.

ডাঙরিয়া গিরক.

আমার প্রাথমিক বিদ্যালয়গরকা মাহানলোহে কিকিত্ অর্থ সাহায্য বারো স্কুল ঘরগর মেরামতরকা এককালীন অর্থ প্রার্থনা করিয়া গেলগামারি সেন্টেম্বর মাহাত মহামাশ্র সরকার গিরকরাং দরখাস্ত আহান করেছিল। আজিপেয়া অউহানর কোন প্রাপ্তি সংবাদ নাপেইলাং। এ দরখাস্ত এহানর আগে হুহান চিঠি দিয়া বিষয় এহান মনে করুয়াছিল। অউতারউ কোন উত্তর নাপাছি। এবাকা বারো হারপুরানি অর যে আর্থিক অনটনর কারণে আমার বিদ্যালয় এগ পরিচালনা করানি নিয়াম চিলইল। গেলগা তিন মাহা ধরিয়া স্কুলগর শিক্ষক গিরকর বেতন দেনা ছুয়ারিয়া আছি। স্কুল ঘরগর কথা মাতিয়া লাভ নেই। নিয়াম শোচনীয়। মুঙহানাত বউবরণর সময়হান দিয়াআহের। বউবরণ আহানির আগেই বিশেষ করে স্কুল ঘরগর চালহান ছুয়া করে না ছেইলে ঘর অউগত ক্রাশ করে ছুয়ারতাই।

অতএব আমি হেইচা করিয়ার যে যতপারিল চালাক অইব অউসাদে আমার এরে অর্থ সাহায্যর আবেদন এহানরে মঞ্জুর করে দিয়া বিদ্যালয়গ মেরামতর ব্যবস্থা করে দেনা অক। ইতি—

ইংরাজী ২০শে জুন ১৯৫৮ সাল।

আপনার একান্ত বশব্দ
নিকাশীপুর গাঙর অধিবাসীস্বন্দ

শিক্ষা মন্ত্রণালয়

করেমপণ্ডেঃ সিরিয়েল নম্বর - ২ রিসিট (এক-আর)

ফ্রেস রিসিট এহান নিকাশীপুর গাঙর অধিবাসী ঐতার লেখা চিঠিহান। এ সংক্রান্ত যাবতীয় কাগজ পত্র প্র্যানিং শাখাত দিয়াপেঠানি আছে। তানুরাংত ফিরিয়া আহানিপেয়া বাছানি যাকরের।

সি, কে, জে,

২৯।৭।৫৮

ইউ, এস,

চিঠিহানর প্রাপ্তি স্বীকার করানি অক । প্ল্যানিং শাখারে রিমাইনডার
আহান দেনা অক ।

আর. ব্যানার্জী

২৮/৫৮

করেসপণ্ডেন্স সিরিয়েল নম্বর -(৩) ইস্যু

নিকাশীপুর গাওর অধিবাসীর প্রতি

মহাকাঞ্চনদ্বীপ গভর্নমেন্ট

শিক্ষা মন্ত্রণালয়

ই।জি।৪৫৩।৫৭-৫৮

মহানগর ১০/৮/৫৮

ডাঙরিয়া গিরিগিধানী.

গিরিগিধানী গাছির ১১/৯/৫৭ ইং তারিখে আবেদন পত্র বারো
অউহানর পিছেকার রিমাইনডার অউতা হাবি পাছি এহান স্বীকার
করিয়ার । বিষয় এহান সরকারর বিবেচনাত আছে ।

আপনাগাছির বিশ্বস্ত

স্বাক্ষর অম্পষ্ট

পক্ষে/আগার সেক্রেটারী

নোটঃ :

সিরিয়েল নং—(৪)

বিষয় :—নিকাশীপুর গাওর প্রাথমিক বিদ্যালয়গর অর্থ সাহায্যর
আবেদন ।

প্ল্যানিং শাখা দয়া করিয়া ৯/৬/৫৮ ইং তারিখে দিয়াপেঠাছি ই।জি
৪৫৩।৫৭-৫৮ ফাইল উহান তানুর মন্তব্যহান সহ চালাক করে ফিরত্
দিয়াপেঠাদেনা পারতাইতা ?

পি, সি, সাক্সেনা

সেক্সন অফিসার

গ্রেড-টু

২০-৮-৫৮

শিক্ষা মন্ত্রণালয়

প্লেনিং শাখা

তৃতীয় পঞ্চবার্ষিকী পরিকল্পনাত নিকাশীপুর গাওে কুনো বিদ্যালয়
প্রতিষ্ঠা করানির প্রস্তাব নেই । যেবাকা চতুর্থ পঞ্চবার্ষিকী পরিকল্পনার

খসড়া প্রণয়ন করানি অইতই অউতাকা অছাশ্র অঞ্চলর লগে
নিকাশীপুর গাওর প্রয়োজন অউতান বিবেচনা করিয়া চানা স্বাকরতই ।
কুরেল ডেভেলপমেন্ট বারো আর, ই, এস ব্লকর স্কিমটিক বাজে-
টেবুট বিজ্ঞালয়অরকা অর্থ সাহায্য দেনা অর । গ্রাম উন্নয়ন মন্ত্রণালয়
-এরে কাগজ পত্র এতা চানা পারের ।

কে, এল, বক্সী

বিশেষ কামে নিযুক্ত অফিসার
প্ল্যানিং

১৯৮১৫৮

গ্রাম উন্নয়ন মন্ত্রণালয়

নিকাশীপুরে আর, ই, এস, আর-ডি বা পোস্ট ইনটেনসিভ ব্লক
বুলিয়া কুনোতা নেই । সুতরাং স্কিমটিক বাজেটেবুট সাহায্য দেনার
প্রশ্নই না উঠের ।

এল, এম, দাস

জয়েন্ট ডেভেলপমেন্ট কমিশনার

৩.৯.৫৮

শিক্ষা মন্ত্রণালয়

আগেকার মন্তব্য অউতা দয়া করিয়া চানা অক । উপযুক্ত জাগাত
বেসরকারী স্কুলে মাহানলেহে অর্থ সাহায্য দেনার ব্যাপারে আগেকার
নজীর আছে । স্কুলধরগ মেরামতরকা এককালীন সাহায্য দেনান
অয়লে অর্থদপ্তরর অনুমোদন লনা থক । কিন্তু অউতানর আগে এহান
ঠিক করানি প্রয়োজন যে ঘর আকগত ছাত্রছাত্রী আকসাটে পাকরানি
ঠিক কিনা । নাগীশিকার ডেপুটিডিরেক্টরর অভিমতহান হারপানি থক ।

সি. কে, জি,

১২.৯.৫৮

ইউ, এস,

ডি. ডি. (মিসেস মিত্র)

আর, ব্যানার্জী

ইউ, এস

১৩.৯.৫৮

স্কুল আগন্তু সহশিক্ষা বাঞ্ছনীয় নাগৈ । তবে য়েপেইত আলাদা
বালিকা স্কুল প্রতিষ্ঠা করানি সম্ভব নাগৈ উপেইত নিরশ্রণীত সহশিক্ষা
অনুমোদন করানি ছাড়া গতি নেই ।

নিকাশীপুর গাওর জুল উগর ছাত্রীর বয়স নয় বছরের নিম্নম
নাইলে ঘর আকণ্ঠে ক্লান্ত করতে আপত্তি নেই। প্রসঙ্গতঃ শনরঘর
উগ স্বাস্থ্যর দিক দিয়া হবা শক্তি ও বিষয়ে স্বাস্থ্য দপ্তররে আংকরানি
থক বুলিয়া নিংকরুরি।

(মিসেস) টি. মিত্র
ডেপুটিডিরেক্টর (স্ত্রী শিক্ষা)

২৭/১১/৫৮

ইউ, এস. (গ্রাউন্ডস্)

স্বাস্থ্য মন্ত্রণালয় (ডি, জি, এইচ, এস.) তানুর অভিমত দয়া
করিয়া হারপুত্রানি পারতাডায়তা।

আর, ব্যানার্জী
২১/১০/৫৮

ডি, জি, এইচ, এস, (স্বাস্থ্য মন্ত্রণালয়)

ডিরেক্টর জেনারেল হেলথ সার্ভিসেস
স্বাস্থ্য মন্ত্রণালয়

যথেষ্ট মিঙাল বারো বউবানা হমানির ব্যবস্থা থাইলে শনর ঘরে
স্বাস্থ্যর দিক দিয়া কোন আপত্তি নেই। শনর ঘর উগ নিম্নম অনুযায়ী
হংকরেছি কি না উহান পাবলিক ওয়ার্কস ডিপার্টমেন্টর রিপোর্ট না
পেইলে আমার পক্ষত কোন যত্নমত হারপুত্রানি সম্ভব নাইতই।

এ. কে, গুপ্ত
লেফটেনেন্ট কর্ণেল এ, বি, (কলি)
এক, আর, সি, পি, (এডিন)
এল, আর, সি, পি, (লন্ডন)
ডি, জি, (এইচ, এস)
১১/১১/৫৮

ডি, ডি, জি,

পাব্লিক ওয়ার্কস ডিপার্টমেন্ট অফিসে করিয়া চাদিবাং

এল, কুন্তগী
ডি, ডি, জি, (এইচ, এস)
২৩/১১/৫৮

পি. ডব্লিউ. ডি.

মন্ত্রণালয়, ইউ নোট নম্বর ২০৩৫।এফ.৫৭, তারিখ ১৮ ১০ ৫৮

পাবলিক ওয়ার্কস ডিপার্টমেন্ট

নিকাশীপুর গাওর স্কুল ঘরউগ সম্পর্কে এ দপ্তর এগত কোন তথ্য নেই। তবে নীতির দিক দিয়া খালকরলে শনর ঘর সমর্থন যোগ্য নাগৈ। শনর ঘরর নন রেকারিং এক্সপেনডিচার কম অয়লেও রেকারিং এক্সপেনডিচার এমাটিক নিয়াম উহানে শনর ঘর হংকরতে পরিণামে জনসাধারণর অর্থ অপচয় ছাড়া আর কিছাও নাগৈ। পাকা দালানর ঘর ছাড়া কুনো স্কুলঘর হংকরানি বা মেরামত করানিরকা সরকারী অর্থ সাহায্য দেনাকার এ বিভাগ এহানে সুপারিশ করে ঘুরারের। বাস্তবিকই ঘুরা স্কুল প্রতিষ্ঠা করানিত পি. ডব্লিউ. ডি. কোড মতে দালানর ঘর হংকরানি বাধ্যতা মূলক ঘোষণা করিয়া নিয়মহান করানির কা আমি নিয়াম জোড় দিয়া প্রস্তাব করিয়া আহিয়ার।

এ. পি. চক্রবর্তী

চীফ ইঞ্জিনিয়ার (কনষ্ট্রাকশন)

৯.১২।৫৮

শিক্ষা মন্ত্রণালয়

গজব নোট উহান চেইবাং। পাকা দালানর ঘর নাইলে স্কুল প্রতিষ্ঠা করানি থক কি না উহান পলিসি ডিসিসনর ব্যাপারহান। যতদিন কাবিনেট উসাদে কোন ডিশিসন নানেছিগা ততদিন স্থিতাবস্থা বজায় থনা উহানেই রিতিহান। নিকাশীপুর গাওর অধিবাসীয়ে দরখাস্ত আহানর মাধ্যমে অর্থ সাহায্য চাছি উহান অর্থ মন্ত্রণালয়র অনুমোদন চানা যাকরের।

সি. কে. জি.

৩.১২।৫৮

ডি. এস. (গ্রান্টস)

ডি. এস. (গ্রান্টস) টুরে গেছেগা। ফিরিয়া আহিলে বারো দিয়াপেঠা-দেনা অইতই।

পি. কে. রায়

(ডি. এস. এর খাশ সহায়ক)

১।১।৫৯

বারো পেশ করানি আইল।

সি. কে. জি,

১৪/১/৫২

পি. সি. দত্ত

১৬/১/৫২

অর্থ মন্ত্রণালয়

এহান নিয়াম ছাখর বিষয়হান কিয়াকা বুললে কেইস এহান অসম্পূর্ণ করিয়া শিক্ষা বিভাগেত্ত দিয়াপেঠানি আছে। সামগ্রীক তথ্য হাবি হারনাপেইলে অর্থ দপ্তরে কিসাদে রূপা পয়সা খরচ করানির যুক্তিযুক্ত উহান বিচার করতইতা? বর্তমান পরিস্থিতিত তলে ইকরা তথ্য এতা হাবির আগে হারপানি থক :—

- ১। স্কুলউগর ছাত্র ছাত্রী কতিগ?
- ২। ছাত্র ছাত্রীর বেতনেত স্কুলর আয় কতি?
- ৩। আয় ব্যয়র অডিট সাট ফিকেট।
- ৫। স্কুলউগ সবকারর অ্যুমোদনপাছে কি না। সরকারী সাহায্য পেইতে গেলগা শিক্ষকউতার শিক্ষার মান গ্রান্টস কলে যেহান মাতের উহান বর্তমান শিক্ষক উতারতা আছেতা?

শিক্ষা মন্ত্রণালয়।

বি, সি. মুখার্জী

আণ্ডার সেক্রেটারী

২/৩/৫২

শিক্ষা মন্ত্রণালয়

পঞ্চদশ পরগণার শিক্ষা ইন্সপেক্টর গিরকরে সরজমিনে তদন্ত করিয়া নিকাশীপুর গাওর বিদ্যালয় সম্পর্কে রিপোর্ট' দেবাবকা মাতানি অর্ক।

অমর, বানার্জী

১৮/৩/৫২

শিক্ষা মন্ত্রীর নোট

গত রবিবারে 'দৈনিক কালান্তর' পত্রিকা অউহানর সম্পাদকীয়ত শিক্ষা বিভাগেত্ত স্কুলে কুনো সাহায্য নাদতারা বুলিয়া অভিযোগ করানি আছে। দৃষ্টান্ত স্বরূপ নিকাশীপুর বুলতারা গাও আহানর প্রাথমিক স্কুল আগর কথা পত্রিকাহানর সম্পাদকীয়ত মাতানি আছে। উহান দেখলু। অবশ্য নিকাশীপুর অঞ্চল অউগত দলাগ সরকার

বিরোধী আন্দোলনকারী আছি। গেলগামার নির্বাচনের রিজাল্ট উহানই উহানর জাজালা প্রমাণ। যেহাউ ঈক, সেক্রেটারী গিরক দয়া করিয়া ব্যাপার এহান ভিতরগ তলোয়া চেয়া কিহান আছে নাছে অউহান মরে জানেহতাডায়তা?

সেক্রেটারী

এম, এম, পানিগ্রাহী

অতান্ত জরুরী

এইচ.ই. এম, অর নোটহানাত যে বিষয়হান উল্লেখ আছে ও ব্যাপারে কুনো কাগজ পত্র আছেতা?

জে, এস,

সিড স্পিক ই মিডিয়েটলি।

ডি, এস, (গ্রাউন্স)

(আগেকার পূর্ণাত)

আলোচনা করানি আছে। পঞ্চদশ পরগনার স্কুল ইন্সপেক্টার রিপোর্ট হান বারো লগর আর আর সংশ্লিষ্ট কাগজ পত্র পেশ করানি অইল। এ ব্যাপারে লিঙ্কড ফাইল উহানর প্রতিও মনোযোগ আকাষণ করানি অর। ইন্সপেক্টারগর রিপোর্ট মতে দেহিয়ার যে প্রায় বছর অহান অইল স্কুল অউগ উঠিয়া গেছেগ। বৈতন না পেইতে না পেইতে শিক্ষক অউগ অনেকদিন আগে বেলাদিয়া গেছেগ। যে সময়সরগত স্কুলগর ক্লাশ চলের অউগউ গেলগামারী বউবরণে বরিষার সময়ত বাগিয়া পড়েছে। ইকরর বেড় বাহার খুঁটি, মুরিয়াশন কিতাকিতি অউতা হয় গাওর অধিবাসী অউতায় চাকামর জি লাগানিরকা নিয়া গেছিগ। নাহয় বরণে বাদলে তিঙতে তিঙতে পড়িয়া নেই। বর্তমানে একমাত্র মাটির ভিটাগ ছাড়া আর কুনো চিন্ত নেই। এ অবস্থাত বিষয় এগান অর্থ দপ্তরে বারো দিয়াপেঠানির কুনো প্রয়োজন নেই। জয়েন্ট সেক্রেটারী গিরক দয়া করিয়া চা দিবাং।

জে, এস,

পি, সি, দত্ত

১৫/৬/৫৯

মি একমত। বিষয় এহান লমইল বুলিয়া ফাইলহান বন্ধ করানি
অক। সেক্রেটারী গিরক দয়া করিয়া চেইবাং। গিরকে বোধহয়
এইচ, ই, এম, অরে হারপুবেইয়া থনা মনেইতাঙায়।

এন, সি, রায়

সেক্রেটারী

১৬/৬/৫৯

ডাঙরিয়া শিক্ষামন্ত্রী গিরক দয়া করিয়া হারপেয়া থইক। তথ্যহান
হিসাবে।

এস, স্বামীনাথ

১৭/৬/৫৯

এইচ, ই, এস,

হারপেইলু। ধন্যবাদ।

এম, এম, পানিগ্রাহী

২১/৬/৫৯

সেক্রেটারী

কাগজ পত্র হাবি প্রচার বিভাগরে দেহয়ানি অক। প্রচার অধিকর্তা
গিরকরে প্রকৃত অবস্থাহান হারপুবেইয়া প্রেস নোট আহান ইস্যু
করানিরকা হেইচা করানি অক।

এম, স্বামীনাথন

২২/৬/৫৯

জে, এস,

সঠিক একসনরকা প্রচার অধিকর্তা গিরক দয়া করিয়া সেক্রেটারী
গিরকর মন্তব্য অউহান চেইবাং।

এন, সি, রায়

২৪/৬/৫৯

প্রচার বিভাগ

প্রচার বিভাগ

শিক্ষা বিভাগে মনেইতার। উসাদে প্রেস নোট আহান ইস্যু করানি
অইল। জে, এল, দয়া করিয়া চা দিবাং।

পি, খাশনবীশ

প্রচার বিভাগ

১৯/৬/৫৯

জে, এস,

এন, সি, রায়

প্রেস নোট

নিকাশীপুর গাওঁর স্কুল অউগরে অর্থ সাহায্য না দিয়ার বুলিয়া অভিযোগ করিয়া হাদিএহান মহানগরর কুনো দৈনিক পত্রিকা আহানাত যে সম্পাদকীয় এবন্ধ আহান প্রকাশিত আছে অউহানর গজে গভর্ণমেন্টর দৃষ্টি আকর্ষণ করানি আছে । পিছেদে অউহানল জনসাধারণর মনে যাতে ভ্রান্ত ধারণা আহানর সৃষ্টি নাক অউহানরকা এ ব্যাপারে প্রকৃত সত্য তথ্য অউহান হাবিয়ে হারপানিরকা তুলিয়া ধরানি প্রয়োজন । কুনো স্কুল আগরকা অর্থ সাহায্যর দরখাস্ত পেইলে শিক্ষা বিভাগ স্কুলগর ছাত্রছাত্রী সংখ্যা, জাগাহান, শিক্ষার ব্যবস্থা, শিক্ষক উতার যোগ্যতা ইত্যাদি নানন গুরুত্বপূর্ণ ব্যাপারে তদন্ত করের । এহান মাতানির কুনো প্রয়োজন নেই যে, কুনো প্রকার তদন্ত নাকরিয়াই অর্থ সাহায্যর আবেদন অউহান মঞ্জুর করিয়া সরকার জনসাধারণর অর্থ অপচয় করানি দেনা হুরারের । নিকাশীপুর গাওঁর স্কুলগর অর্থ সাহায্যর দরখাস্ত অউহানর প্লেইউ ঠিক অউসাদে তদন্ত করানি অছিল । তদন্ত করিয়া হারপানি অইল যে নিকাশীপুর গাওঁউহানাক বর্তমানে কুনো স্কুলর চিনহান বুলিল বিন্দু অগউ নেই । নাইলে স্কুল অউগরে অর্থ সাহায্য দিতে অস্বীকার করানির কুনো প্রস্নই না উঠের । অউসাদে অভিযোগ অউতা পুরাপুরি ভিত্তিহীন বারো অসৎ উদ্দেশ্য প্রণোদিত ।

শিক্ষা বিভাগে এবাকার সরকারর আগ্রহ অউহান হাবিঅউ হারপাছি । বারো যে যে স্কুল সরকারর অর্থ সাহায্য পানার যোগ্য বুলিয়া বিবেচনা করানি আছে অউতারে সরকারে যেসাদে পারের অউসাদে অকাতরে অর্থ সাহায্য দেব । এ বছরকার বাজেটে স্কুলর সাহায্যরকা সাত লাখ টাকার ব্যবস্থা কবানি আছে । চতুর্থ পঞ্চ-বার্ষিকী পরিকল্পনাত আরাকৌ নিয়াম দেনার সম্ভাবনা আছে ।

এহান নিয়াম আরেইপা কথাহান আছে যে দিকপালছে সংবাদ পত্র আহানে বিষয় এহানর ব্যাপারে প্রকৃত তথ্য অউতা হারপানির হুমা নাকরিয়া একমাত্র স্বার্থান্বেষী সরকার বিরোধী পক্ষর কথাল এসাদে দায়ীত্বহীন মন্তব্য আহান করেছেতা ।

৩৩

[প্রস্তাবনা—প্রখ্যাত সাহিত্যিক যাবাবর গিরকে লেখা “৬.ঘুকরণ” বই-
উহানাত্ত অনুবাদ করানি আছে। এ গল্প এহানর বিষয়বস্তু-
গাও আহানর অধিবাসী। গাও অউহানাত্ত সুরা স্কুল আগ
প্রতিষ্ঠা করেছি অউগরকা সরকারী অর্থ সাহায্য প্রার্থনা
করিয়া বিভিন্ন দফতর বারো মন্ত্রণালয়ে দাপদাফালদি
করতে করতে লমইতেগা স্কুল অউগ সরকারী অর্থ সাহায্য
পানার দরকারই নাপরিল। কিয়াকা বুললে সরকারী
ফাইলর ডিগল ডিগল সুর অউতায় আকয়া স্কুল অউগ
উঠিয়া গেলগা। সাহিত্যিক যাবাবর গিরকে এঘটনা এহান
বান্ধত কোতুক মাতাঙে উপস্থিত করেছে।]

“ত্যাগের দ্বারা, দানের দ্বারা, তপস্যার দ্বারা, হুঃখের দ্বারাই
আমরা আপন আত্মাকে গভীররূপে লাভ করি, সুখের দ্বারা,
আরামের দ্বারা নহে। হুঃখ ছাড়া আর কোনো উপায়েই আপন
শক্তিকে আমরা জানিতে পারি না। এবং আপন শক্তিকে যতই কম
করিয়া জানি আত্মার গৌরবও তত কম করিয়া বুঝি, যথার্থ
আনন্দও তত অগভীর হইয়া থাকে।”

—সংকলন

‘হুঃখ’

রবীন্দ্রনাথ

বিষ্ণুপ্রিয়া মণিপুরী সমাজের মানসিকতার মূলভিত্তি

প্রবন্ধ

শ্রী ইন্দ্রকুমার সিংহ

আমি ঘরআগ হংকরিক বুজ্লেই পইল। যাত্রাগর কথা খালকর-
তাঙাই, হবা দিন চেয়া দগুরমা পূজা করিয়া যাত্রাগ উবা করিয়া
খাংনাং ঘরগ হংকরানি অকরিয়ার। এহান আদিত্ত চলেছে রীতিহান।
উদ্দেশ্যহান অইলতাই, অও ঘরগর ভিতরে খাইতাই অউতা যাতে
হবা অয়া হাবি বারাদেও উন্নতি অয়া পালয়া থানা।

জাত আহানর অস্তিত্ব একার মাউ যাত্রাস্বরূপ চারিহান ভিত্তির
প্রয়োজন অর। অও ভিত্তি নেই সমাজ অউহানর অবস্থা তাপ্প তাপ্প
লামুনিষেদে যাত্রা করের।

অও মূল ভিত্তি বা সম্পদ অউহানি অইলতাই— ১) বংশ পরিচয়।
২) জাতর ইতিহাস। ৩) ধর্ম। ৪) সংস্কৃতি।

আমার সমাজে শিক্ষিতর সংখ্যা আজিকালি অল্প জাতর তুলনায়
কোন প্রকারেই কম নাগই। কিন্তুমান কয়গো মাছুয়ে এরে মূল
চারিহান প্রশ্নর উত্তর দিয়া পারতাইতা? বিদগ্ধ পাঠক মাত্রই খাল-
করিয়া চেক। আমি তদ্দা বিষ্ণুপ্রিয়া মণিপুরী বুলিয়া লোদিলেই
কানা নাইতই - বিষ্ণুপ্রিয়া মণিপুরীর মানসিকতাতে যে চারিহান
সেতাল খোঁতালদেনা থকছিল অউহানি আমরা আজি অভাব। অউ
মানসিকতার অভাবেই জাতএহান এবাকা দিশাহারা অয়া আছি।

উচান আমার সমাজর দোষহান নাগই। শিক্ষার ভিতরেই অউ
শিক্ষা অউহান আমার সমাজর দার্শনিক বারো শিক্ষাবিদ হাবিয়ে
পরিষ্কারকণ প্রচার করে ছুরারেছি।

ঋষি বঙ্কিম চন্দ্রই মাতেছিল—“পূর্ব মহাত্মের ঐতিহাসিক স্মৃতি
মাতীত কোন জাতি অগ্রসর হইতে পারে না।” অউহানে নিজর
ইতিহাসে সমাজে হবাকরে প্রচার করানি লাগতই কিন্তুমান আমার
সমাজে অউ সময়ক পুরি যেতা যেতা সংস্কার চলিয়া আহেছেঅউতা
হবা করে আলোচনা করলেই আমি আমার জাতর হাবিতা সম্পদ

উদ্ধার করে পারতাই। হরপ্পার মুরগত মণিগ ধাইলেই হরপ্পাই হার নাপেয়া আধারর গাত যেসাদে বিছারার—আমার সমাজে আজি ঐহরপ্পাসাদে আধারর ছিদ্ৰ বিছারাং আছ।

জাত আহানর ইতিহাস আলোচনা করলেই প্রধান বিচার্য বস্তুহান অইলতাই অঔ জাতঅউহানাং জরম অছিল মানু উতার মানসিকতা, চরিত্রর দৃঢ়তা, আদর্শ, পাংকাল, ঠৌনা নাপাল, সংস্কৃতি এতা কিত। উহানেতে মানসিকতা এহানেই জাত আহানর কৃষ্টি পাথর। রাজপুত রমণীর ইতিহাস পাকরলে দেহিয়ার বিজাতীরাং ধর্ম নষ্ট অনার চেয়ে “জহর ব্রত” বা জিগরমা আত্মবলিদান যথার্থ ধর্ম অউহান কিসাকা পারেছিল। তামুর ঐকান্তিক মানসিকতার দুর্দ্বার শক্তিত।

এবাকা জাপানী পৃথিবীরমা নাওকরা জাত আহান। তামুর চারিত্রিক দৃঢ়তা আমারাংতে হপনর সাদে। তামুর জাত অউহান এমন ভাবে হংকরেছি হাবিহান যেন রথহানর চাকার হলগি।

বর্তমান চাকুরী মুখী শিক্ষা আমার মানসিকতারে বিকাশ করানির পথ নাপার। অউহানেই আমার জাতর অস্তিত্বরকা নিজেও যত্নবান অনা লাগের।

আমার প্রচলিত সংস্কৃতি হাবি মালঠেপ কেন্দ্রীক। মালঠেপ্ এগ আমার সংস্কৃতিক কেন্দ্রগো। এহান হৌ বৈদিক যুগেত্ত চলিয়া আহেছে প্রথাহান। কৃষ্টিহান ধর্মভিত্তিক অউহানেতে মালঠেপগর লগে মন্দিরর যোজনা যেসাদেউ থানা লাগের অউ মন্দিরগরকা পূজারী, গান্ডর সাংস্কৃতিরকা ডাকুলা, ইসালপা দোহার, লেরিক থিকরেকুরা এতাকিতা সাংস্কৃতিবান মানু বাহক অয়া থাততারা।

শরৎ কালে কার্তিকর মা এহান শারদ উৎসব, আমারাং সংস্কৃতির অঙ্গ আগ অয়া আছে। অঔ মা অউহানাং মহাভারত বারো রামায়ণ পাঠর লগে আরতির কাংনা মাহানরে তপ্তা করিয়া ধর। মনহান দিয়া লুকের খালকরলে আমার জাতীয় ইতিহাস, বংশ, ধর্ম বারো সংস্কৃতি ঐ শারদ মহাউৎসবেই মিঙাল পানা যাকরের।

ভারতরমা দুহান নাওকরা বংশ আছে—চন্দ্রবংশ বারো সূর্য্যবংশ।

সূর্য্য বংশর নাউকরা রাজ্য—রঘু বারো রামচন্দ্র । সূর্য্য বংশর ইতিহাস কাব্য রামায়ণ বারো চন্দ্রবংশলো মহাভারত । চন্দ্রবংশরমা নাউকরা রাজ্য জরম অছিল । ছাপর যুগে শ্রীকৃষ্ণ বারো অর্জুনের মিলন চন্দ্রবংশরে আরাকৌ মিঙাল করেদেছিল । অউহানেতে মাআহান কার্তিকর পালিত বিষ্ণুপ্রিয়া মণিপুরী ফ্রাণ হাবিয়ে মহাভারতর মাধ্যমে চন্দ্র বংশর গুণাবলী, ঠৌনানাপ্রাণ ধর্ম রাজনীতি এতাকিতার লগে পরিচয় অনার সুযোগ পেই তারা ।

ইতিহাস বুজ্লেই-ইমে মহাভারতর ভিতরেই চন্দ্র বংশর ইতিহাস পেইতারা । পৃথিবীর শ্রেষ্ঠ মহাকাব্য মহাভারত । এমহাভারত স্বর্গলোক, পিতৃলোক, গন্ধর্ব্বলোক বারো মর্ত্তলোক হাপদিয়া পাঠ অর । বিষ্ণুপ্রিয়া মণিপুরীর হাবিতা ঘটনা, যারী, নীতি এমহাভারতেই বিদ্যমান ।

বিষ্ণুপ্রিয়া মণিপুরীর জাতীয় উৎসব—কার্তিকর পালি বা শারদ উৎসব ?

বৈদিক যুগে, ঋকবেদ সৃষ্টির হাক্তাক্ অউহানাং নববর্ষ আরম্ভ অছিলতাই শরৎকাল ইলয়া (অধুমানিক পাঁচ হাজার বছর আগে) । শরৎকাল অছিলতাই আনন্দমুখর ঋতু । বিষ্ণুপ্রিয়া মণিপুরী জাত এহানে অউ হাজার হাজার বছর পুরানা ঐতিহ্যরে এবাকা পেয়া কলকরিয়া থছি । মালকগউ শৌগরে ছুদিগো ডালিয়া যেসাদে থইরী অউসাদে । পূর্বেবত্ত অত্যাধি পেয়া বিষ্ণুপ্রিয়া মণিপুরীর জাতীয় উৎসব এ কার্তিকর পালি । যদিও এবাকা তাম্র তাম্র মেইমুত অনার পথে । কিন্তু আমি ছকাং অইতে দেখলাং কিসাদে চলেছিলতা ।

পালি জাহানি ফাংনেই ঘরে ঘরে কাপক ভাজলা । আরতির ফাংনারকা মালাটেপগো ঢোল, ঢোলপ, মাংকাং এতাকিতার শকলো তকদকার অছিল ।

নিঙলপীহাবি তাপু পুছে পুছে ঠিক ঠাক অইলা । মহাভারতর অর্থদেকুরা লেরিক থিকরেকুরা, বিদেশী যারী দেকুরার সমারোহ । ঐ সংস্কৃতি আজি আমারে মিঙাল দেনা অকরলো—

ঋকবেদর ১০ম মণ্ডল ৮৫ যুক্তর লোকরা ঋষি সূর্য্য । তা অউ যুক্তর ৩৯ মন্ত্রবমা যেতা ব্যক্ত করেছে উহান অউযুগর চিত্র আহান । অউ

হাকতাকে ঋষি মুনী হাবিয়ে শরৎ কাল এহানরে বছরর অকরাহান
বুলিয়া সূচনা করেছিল।

অউ মন্ত অউহানাত এমন বৈজ্ঞানিক তত্ত্ব অহান দেছে যেহান এযুগর
মাইল ষ্টোনর ফসিল আগ হিসাবে চিনৎ করে পারিয়ার। মন্তহানর
মূল ভাবহান নিয়াম গুরুত্বপূর্ণ।

ঋষি সূর্যয় মাতেছে—

“...দীর্ঘায়ুবন্ত যঃ পতি জীবতি শরদ শতম” (ঋক্ ১০/৮৫/৩৯)

অর্থহান—“এ কন্তা এগর পতি দীর্ঘায়ু অয়া শত শরদ জিংতা অয়া থাক।

মন্ত এহানাং কাব্যিক ভাব থাইলেউ—ঋষি সূর্য কন্তা আগরে
বিয়ারমা আশীর্বাদ করতে শতবর্ষ নাবুলয়া ‘শত শরদ’ শব্দ দ্বয়গী
কিয়াকা মাতেছিল? শরদ শব্দর পরিবর্তে বসন্ত বা শীত মাতানি
য়্যাকরেছিল? কিন্তুমান আগর ঋষিয়ে অপ্রয়োজনে কোন শব্দ আগ
না বরেইলা। দলাগ পণ্ডিত মণ্ডলি স্বীকার করেছি পূর্বে বছরহান
আরম্ভ অছিলতাই শরৎকাল চিন্‌করিয়া।

যজুর্বেদর আরাক মন্ত অহান এহানর লগে তুলনা করে পারিয়ার—

‘পশ্চম শরদ শতং জীবম শরদ

শতং হনুয়াম

শরদ শতং প্রব্রবাম শরদঃ শতম

দীনা ম্যাম

শরদঃ শতং ভূয়শ্চ শরদঃ শতাং

(যজুর্বেদ প্রবর্গ্যাগ্নিক্‌শ মেধোপনিষৎ)

অর্থহান—(স্বর্গর ইন্দ্রদেবরে উদ্দেশ্য করিয়া) তা’র প্রসাদে আমি
যেন শত শরদ ঋতু দর্শন করিক শত শরৎ ঋতু জিংতা অয়া থাইক,
শত শরৎ ঋতু শ্রবণ করিক, শত শরৎ ঋতু টটরা টটরিকরিক, শত
শরৎ ঋতু লেইরানায়া থাইক বারো শত শরৎ ঋতু অপেক্ষা আরাকো
দীর্ঘকাল যেন এমাদে করিয়া থাইক।

বিষয় এহানলো প্রাচীন ‘অমর কোষ’ গ্রন্থহানাং এমাদে ইকরেছি—

সম্বৎসচরা বৎসবোহকো হায়েগহন্তী শরৎ সমাঃ অউ হাকতাকে

নববর্ষৰ উৎসব এহান শাৰদীয় উৎসব ৰূপেই পালিত অছিল। যেমন
এ হাকতাকে দুৰ্গোৎসব হিসাবে পালন অৱ।

কিন্তুমান বিষ্ণুপ্ৰিয়া মণিপুৰী সমাজ এহানে কিয়াকা পুংখাং মা-
আহান পালন কৰতারাতা? নিশ্চয় আগেকাৰ বপাবনীয়ে এহানৰে
দলাগ গুৰুত্ব দেনাৰ ভিতৰে ডাঙৰ ইতিহাস লুকেয় আছে।

এতাকিতা আলোচনাৰ মাধ্যমে আমি কাৰ্তিকৰ উৎসব এহানৰে
“বিষ্ণুপ্ৰিয়া মণিপুৰীৰ জাতীয় উৎসব” হিসাবে গ্ৰহন কৰলে ভুল
নাইতৈ পাউৱী।

:- :-

[স্মৃতি—২৯ তম সংখ্যা, ২৭ সেপ্টেম্বৰ ১৯৯১ ইং সৌজন্যে।]

০)(০

~~~~~

*Please Contact :*

**SRI PIJUSH KANTI SINHA**

**&**

**SRI MRINAL KANTI SINHA**

**SILCHAR HEAD POST OFFICE**

*Govt. authorised agent, National Savings*

*LIC & India, LIC ( MF ) and UTI*

*There are beneficial Schemes :—KVP/NSC/MIS opening  
of LIC. Policy and profitable UTI share.*

*We are at your Service of all times.*

~~~~~

চিঠী

১৯৮৩ ইংরাজীত নরসিংপুর অঞ্চলে ভারতীয় সঙ্ঘের ঠোরাঙে যে নাট্য উৎসবহান লিংখাত্ করেছিল। অউহানাত যে যে বিশিষ্ট গিরিগিথানীয়ে নাট্য সম্বন্ধে বক্তব্য ধছিল। অউ বক্তব্যহানি ক্রমাশয়ে 'চিন্তা' পত্রিকার মাধ্যমে প্রকাশ অনি অকরল —



| বিশিষ্ট বক্তা | বিষয় |
|-----------------------------------|--|
| মুকুলীধর সিংহ | 'নরসিংপুর বিষ্ণুপ্রিয়া মণিপুরী নাট্য আন্দোলন' |
| মাধব সিংহ | 'তরুণোদয় কলাভারতীর জন্মবৃত্তান্ত' |
| অশ্বিনী সিংহ | 'পৌরাণিক বারো সামাজিক নাটক ইকরানির মূলসূত্র' |
| দেবদত্ত সিংহ | 'অভিনয়' |
| গোলাপবাবু সিংহ (প্রাক্তন অধ্যক্ষ) | 'বিষ্ণুপ্রিয়া মণিপুরী নাট্যসাহিত্য' |
| ব্রজেন্দ্র কুমার সিংহ | 'নাট্যতত্ত্ব' |

নরসিংপুরের বিষ্ণুপ্রিয়া মণিপুরীর নাট্য আন্দোলন—

নরসিংপুরের নাট্য আন্দোলন প্রসঙ্গে আলোচনা করতে গেলেগা পয়লাই মাতানি লাগতই যে, এহানর সূচনা ১৯১৬ খৃঃ অছিল এবং অউসময়ত নরসিংপুরের শিকার পরিবেশ, সামাজিক পরিবেশ কিসাদে গঠন অছিল, যেহানর গজে যাত্রাগ লয়া আজি আমার শিল্প সংস্কৃতিরে ইঙাল ডাল পুথগদে সালছেতা।

অউ সময় অউহানাত সমাজর পরলাকার পারেঙে আছিলতাই
 শ্রীযুক্ত ধন সিংহ বাচস্পতি, শ্রীযুক্ত কমলাকান্ত কাব্যরত্ন, শ্রীযুক্ত
 বাগীন্দ্র কর্তা, শ্রীযুক্ত মণ্ডা মুখার্জি, শ্রীযুক্ত চাউবা সিংহ, সমাজপতি
 শ্রীযুক্ত দ্বিজরাজ মুখার্জি, সাহিত্য ওতদর্শী শ্রীযুক্ত সেনা সিংহ,
 সামাজিক কুট্টিকলায় সুরশিল্পী শ্রীযুক্ত কালিদাস সিংহ, গায়ক শ্রীযুক্ত
 লালজিৎ সিংহ, শ্রীযুক্ত বাবুসও সিংহ, শ্রীযুক্ত নতুন সিংহ, শ্রীযুক্ত ধর্ম,
 শ্রীযুক্ত বাবুলোক সিংহ।

এতা বাদেও অন্যান্য গুণীজনর অভাব নাছিল। যেমন চিকিৎসা
 শাস্ত্রেও অনেক গিরিগিধানী বলিষ্ঠ অবদান খদিয়া গেছিগা। অউতারমা
 শ্রীযুক্ত বাবুলাল সিংহ, (কবিরাজ), শ্রীযুক্ত চহা সিংহ, (কবিরাজ),
 শ্রীযুক্ত আতশা সিংহ (ভৌতিক ও বনার্জি), শ্রীযুক্ত বাবানন সিংহ,
 (কবিরাজ) বারো স্বনাম ধন্য জ্যোতিষী পণ্ডিত শ্রীযুক্ত খাশা সিংহ।
 তার বেয়ক শ্রীযুক্ত ছালিয়া সিংহ ওয়া এসিক গায়কগো আছিল।
 প্রাথমিক শিক্ষারমা শিক্ষক শ্রীযুক্ত ব্রজকিশোর সিংহ, মনোদ্র সিংহ
 বট্টা সিংহ। তাহুর তুল মায়াপা শিক্ষক এবাকা খুব কম দেহিয়ার।
 তাহুরাং নরসিংপুরবাসী ঋণী।

এসাদে গুণী জ্ঞানীর সমাবেশ দেহিয়া অনুমান অর—অউসময়ত
 নরসিংপুর অঞ্চল উন্নতির উচ থাকে ফো-অছিল বুলিয়া। শাস্ত্র, দর্শন
 কুটি কলায়, হাবি বিষয়ে সংস্কার অভাব নাছিল। রাখাক্ষসীলা
 রাস পঞ্চায়ায়রমা কোন কোনগয় রাস, উত্ত্বল, বীরাধার মানভঞ্জন
 ইত্যাদি রাসর নানা পর্য্যায় এসাদে করে শিক্ষা দেছিল। অউ
 ওয়ারেল অউতাৎ আগ আছিলতায় শ্রী গকুল দাস সিংহগিরকর
 নাউহান নাধরিয়া হুরারিয়ার। কোন কোনগর মতে ওয়াগিরকর
 জন্মস্থান বারপুয়া (বর্তমান ভুবনেশ্বর নগর)। গিরক অউপেইত্ আয়া
 শান্তিপুৰে বসতি কবেছিল পিছেদে রাখালটীলাতই আকুবালা বসতি
 লইল। ওয়া গিরক সমাজরমা কউয়া ওয়া নাঙে খ্যাতি লাভ করেছিল।
 ওয়া গিরকে লগর কতগরেলো মহাভারতর কুরুক্ষেত্র লীলারে অক্লান্ত
 পরিশ্রম ধারো অসীম সাহসলো মাঘমাহার পরলাদে অকরাগ লইল
 শাস্ত্রমতে বাবো মণিপুরী চঙে।

অভিনয়ে অংশগ্রহণ করেছিল। অভিনেতা গির্জিগিয়ান র নাঙগানি
তলে দেনা অইল ।

অজুন — „ গোসাই „ । নকুল — শ্রীযুক্ত নেত্র সিংহ ।
 সহদেব — „ রামবাবু „ । জ্যোপদী — শ্রী কমলা শর্মা ।

জ্যোৎস্না — „ যোগেন্দ্র „ । ধৃতরাষ্ট্র —
 সম্ভদ্র — দুর্ঘোষন — „ ব্রজকিশোর „ ।

বিহুৰ — „ খনৌ „ । ছঃশাসন — „, কুঞ্জৰাস „ ।
চেকিচান — „ বদন „ । শকনি — „, গৌৰনিতাই „ ।

শিখতি — ,, গঙ্গা ,, । কর্ণ — ,, হুলাইচান ,, ।
 ঘাটাংকচ — ,, সেলকম বাব ,, । অল(হাস— ,, হরিয়াহন ,, ।

দ্রোপদীর বন্দনকরণর সময় শ্রীকৃষ্ণর আগমন, দুর্ঘোষন গাছিয়াং
 পঞ্চপাণ্ডবর অপমান অনি, ভীমর যুদ্ধ, অর্জুনর লগে কর্ণর যুদ্ধ, লিপিং
 লিপিং দর্শকর মন অভিভূত করেছিল অটুহানতে সন্দেহ নেই ।

0

পারা। পরিতাপুর বিষয়হান অভিমত্য়া অভিনয়র পরে নিয়ামদিন জিঙতা নাইল।

এসাদে তিন দিন অভিনয়র পিছেদে গোকুলদাস গিরকর লেংকরা কুরুক্ষেত্র নাটকর যবনিকা অইল। নরসিংপুরেহ 'সুপ্রিয়' মনিপুরী সমাজ নাটা রসর পইলা উৎস। পিছে পিছেদে গিরকর চেটায় লঙ্কাকাণ্ড, রাসলীলা আরম্ভ অইল। ৩ শ্রীযুক্ত বংখল সিংহ গিরকর মানসল এ লঙ্কাকাণ্ডহান আরম্ভ করেছিল। 'গরকগাছির নাও দেনা

শিব — শ্রীযুক্ত নবদীপ মিশ্র।

রাম — কুঞ্জ সিংহ (ওঝা)।

দুর্গা — ছনাবী দেবী।

লক্ষণ — সুধ "।

সীতা — "।

রাবণ — শ্রীযুক্ত সিংহ।

অনুমানিক ১৯৩২ ইংরাজীত লঙ্কাকাণ্ড নাটকহান অভিনীত আছিল।

কুরুক্ষেত্র নাটকর কতবছর পিছে নাট্য ধারাহান আরাক পথআগদে দিশা লইল। নরসিংপুরর পাকইপার গাঙে মধ্যযুগর যাত্রাভিনয়র পথগ ইলয়া বিনয়কর লেংকরা জয়দ্রথ বধ নাটকহানর সূচনা অইল। অভিনয় দলর উচ্ছেদ্য শ্রীযুক্ত খাশৌ মুখার্জি, শ্রীযুক্ত খীরগোপাল পণ্ডিত, নিত্যানন্দ সিংহ বারো ফাগির অভিনয়ে শ্রী বংশীধারী গিরকর নাও উল্লেখ করানি য়াকরের। পিছেদে দল এহানে কর্ণবধ বারো অভিমত্য়া বধ নাটক দ্বিয়হানি অভিনয় করেছিল। শিল্পী গিরিগিধানী ৩ বলদেব সিংহ, ৩ কুঞ্জরাজ সিংহ, রাধারমণ সিংহ, গোপেশ্বর সিংহ, ৩ মুক্তা সিংহ, রমিকা সিংহ এসাদে আরাকও।

এসাদে নরসিংপুরর নাট্য ধারা হাতে হাতে আয়া ১৯৩৬ ইং ফো-অইল। অউবাকা মুরারী চাঁদ কলেজে (বাংলাদেশ) বি. এ. পাশ করিয়া শ্রীযুক্ত গোলাপবাব সিংহ (প্রাক্তন অধ্যক্ষ) গাঙে আয়া ধলাই হাইস্কুলে সহকারী শিক্ষকর পদহান গ্রহণ করল। প্রায় বছর আহান পিছে গিরকে গাঙে সরস্বতী পূজা উপলক্ষে গাঙে ডাঙর করে থিয়েটার অভিনয়র আয়োজন করানিত লাগিল। শ্রীযুক্ত মানিক সিংহ কাবাবত্য় গিবক লগে থায়া নিয়াম যত্নলো পরিবেশন করানি অইল। অউবাকা যশ্বিনীদা বারো মোর বয়স ১৫ বা ১৬ বছর।

নাটকীয় জীবনের পরলাকার অকরাগ অইল তাই গোলাপ বাবু সিংহ
 বাবো মানিক বাবু গিরকর পরিচালিত অ.ঘা.র চন্দ্র কাব্যতীর্থ নাটক
 'পুত্র পরিচয়'। বালীঘাটর শ্রীযুক্ত রাধামোহন সিংহ এ নাটক এহানর-
 কা নিরাম পরিভ্রম করেছিল। গাঙে অউবাক; থিয়েটার সঙ্ঘে গিরি-
 গিধানীর কোন ধারণাই নেইছিল

অভিনয়ে আছিলাতা—

পুং চরিত্রে

শিব—৬ শ্রী ভট্টরাম সিংহ।
 রাম—মানিক সিংহ. কাব্যবহু।
 লক্ষণ—গোলাপবাবু সিংহ
 প্রাক্তন অধাক।

বেশ্যাপারু চরিত্রে

দুর্গা—৬ শ্রী বাবাসও সিংহ
 সীতা—৬ রাধামোহন ;
 গন্ধা—মকলী মোহন .
 বাসন্তী—অশ্বিনী কুমার .

শব্দ—বিন্দু রাজ।

হুমুখ—বেণীমাধব সিংহ কবিরাজ।

মাকুতি—৬ যোগেশ্বর সিংহ।

চিত্রপটে বাজু প্রাসাদ, বালীকির কলাতন, পঞ্চবটীর দৃশ্য, সীতার
 কুটির, সরযুদেবীর দৃশ্য, সীতার পাতাল প্রবেশ দৃশ্য, দর্শকর মনে
 রেখাপাত করেছিল। অউ চিত্রপট হাট করেছিল গিরক শিলচরর
 স্বনামধন্য শ্রী অমর আচার্য, 'বলপার'। অউতার পিছেদে হাতে
 হাতে 'হরিশ্চন্দ্র নাটক' 'পার্থ বিজয়' বা 'বঙ্গবাহন' নাটক অভিনীত
 অউল। এসাদে নাট্যধারা থিয়েটার বাবো যাত্রা পরম্পর সমান্তরাল
 ভাবে চলিয়া থাকিল। পইলাকার যাত্রাহান সে রাধামোহন 'পলাশীর
 পরে' শ্রীযুক্ত মাকু সিংহ গিরকর ঘরে দুর্গাপূজা উপলক্ষে অভিনীত
 অছিল অউতার পিছে কাছাড়র নানান আসরে, মিকির হিলে,
 গৌগাটী শিলঙে যাবাদল ফে-অইলাগা কোন কোন আসরে টিকেটও
 অভিনীত অউল যাত্রাদলর নাঙ দিলা ভবনোদয় কলাভরতী। যেহান
 আজি পেয়াও বর্তমান। এসাদে নতুনতুন অভিনয়র পিছেদে বিফুপ্রিয়া
 মনিপুরী ভাষাল নাটক লেংকরানি অউল। পিছেদে চন্দ্রকুমার গিরকর
 সামাজিক নাটক 'দোষী' পইলা মকলী অউল। পিছেদে অশ্বিনী কুমার
 সিংহ গিরকর 'সাবিত্রী' বাবো 'হরিশ্চন্দ্র' নাটক অভিনীত অউল।
 দর্শকর মনে হুবা ভাবর উদয় অউল। নিজর ভাষার প্রতি চুবা প্রেম
 জাগিল।

সাহিত্যের পরিকল্পনায় অমূল্য করিয়া সংগ্রহীত ভাবাবেগের নিজের কাঠামোর ভিতরে উপস্থাপিত করিয়া নিজের কৃতিত্বের ফটেয়া তুলেদেনার নিত্যস্তু প্রয়োজন । অবশ্য, জাগরুক বারো গভীর অনুভূতিশীল প্রতিভাশালী কবি, লেখক, লেখিকার পরিচয় নিজের লেখনের মাধ্যমে নিষিদ্ধাদে প্রসিদ্ধ লাভ করেন, যেহানর মূল্যায়ণ কন্ট্রোলপরাণী ভাষাগোষ্ঠীয়ে অবশ্যই করিয়া যিতাইগা । ঠিক ঔসাদে, মননশীল, সুধী পাঠক পাঠিকার কর্তব্য এ কঙালা মুরা মুরা-শাতয়া আহের সাহিত্য বারো কবিতারে সমরোচিত প্রেরণালো পথ পদর্শন করিয়া আমার সাহিত্যের রাতিমত পুষ্ট করে দেনা । বস্তুতঃ সংখ্যা গরিষ্ঠ ভাষা সাহিত্যের তুলনায় আমার মত সংখ্যালঘু ভাষা সাহিত্যের রাষ্ট্রীয় স্তরে কাকরানি ঔহান নিয়াম কষ্ট সাধা কামহান তা'র মি 'চিন্তা' পত্রিকার উদ্যোগী কর্মকর্তা, লেখক এবং কবি গিরিগিথানীয়ে মোর পুনিভর্যোপা শ্রদ্ধা বা'র হেইচা করোরি বাহাতে তানু হাবির প্রচেষ্টায় পারাবার তুল্য বিঃ মঃ সাহিত্যের সচেতন, মননশীল বা'র গঠনমূলক চিন্তাধারারে শান্তকরেদিয়া প্রকৃত সমাজ চেতনার অনুভূতিরে হজাক করোদয়া আমার ইমা ঠারর লগতাকুগত প্যানি ফুগর সমান অনুদান দিয়াপারিক এহানেই হেইচা করোরি ।

—:—

সুকুমার সিংহ (এড্‌ভোকেট)

হুথপুর

~~~~~

আপনি কি Original শব্দ পিঙ্গলি মনেয়ার ?

আজিরগাই যোগাযোগ করিক, ১১০

মাতৃ শব্দভাণ্ডার

তুল্যপত্রি, শিলচর-১।

~~~~~

চিহ্ন

মানুষের পুষ্টি পকড়াংত প্রোটিন এসাদে যারী হুনে কোন কোনগর পারিগ জাকরণ আহান দেব 'চি'! বুলিয়া। জাকরণহান দিলেও কথাহানতে ঠাচা বকানি লাগের। মানুস খাও জাকরণ মা প্রোটিনর পবিমাণ বাডেইতে পক-ডকওউনি থানা বিশেষ প্রয়োজন। গবেষণা করিয়া চাছি - কোন কোন পকড়াংক যথেষ্ট পবিমাণে প্রোটিন থার-বুলিয়া। যেমন পিউপা বা মুককীটরমা শতকরা ৬০ ভাগ প্রোটিন বারো ১৬ ভ পুবি ১৭ ভাগ আমিনো-আসিড যেতা মানুসিং বিশেষ প্রয়োজন অউগাউ এর পক এগনমা যথেষ্ট আছে। অউগাউ ছাড়াও শতকরা ১০ এও পুবি ১৫ ভাগ ফাটি আসিড পেইগারা যেতা মানুসিং খোর লগে সমান। বারো খনিজ পদার্থও আছে। ডক'না মাটিও খাইতারা উলুরমা ৮০ ভাগ প্রোটিন আছে। ডকা প্রোটিন নাগে এতা চর্বিজাতীয় বারো এতার ক্যালোরিক মূল্য চল্লিশ। পঙ্গপাল বারো উলুরে পরীক্ষা করিয়া চাছি এতা অত্যন্ত পুষ্টিকর খাওহান। মোমাছি বারো পিউপা যথ লগে ভিটামিন 'এ' বারো 'ডি' আছে। মানুসিং পারিত প্রোটিন বাডেইতে পকড়াংকরমা যে খাওগুণ আছে অউগা মুরগীর মাংসর সমান।

বিশব প্রায় অনেক দেশর মানুস প্রিয় খাও পকড়াংক। প্রাচীন গৈক বারো রোমান এগায় পঙ্গপালংঘরে ঘরে হুকেয়া পাউডার করিয়া কটি বারো কেক-এ ব্যবহার করেছিল। বিশ্বর আদিম অধিবাসী পকড়াংক এতাবে আহার্য সামগ্রী হিসাবে সংগ্রহ কর'তারা। অউতারমা উলুর স্থান হাকির গদে। উলুর রাণীগ আফ্রিকান উপজাতির হাকির হোবাক খাও বস্তুহান। ঝু পদবিবর্ভনর সময়ত পাখা উঠিয়া মাটিও হুকুলিয়া করদিতারা উপেষ্টত ঘরে ঘরে পাখাহান বুকবুক খুলিয়া জাকিয়া খেইতারা। আফ্রিকান গাওর বাজারে জাক্সা উলুর কদর নিয়াম। নাগালেণ্ডর বাজারেও বিছা বাগা বাগা করে বেইতারা। অরুণকানার সাদানে হরণ বারো কুচিয়াও নিকালতারা।

রোমান এপিকিউরিয়ানে গবরর পক এতা তানুর খাত্তালিকাত স্থান দেছি। চীনে বারো পানির গবরর পক এতারে এমনভাবে হুকেয়া থছি—তানুর শৌ-এ চক্লেটতও জিঙে ছরাত পেইতার। পানির ডাঙর বিছা বিশ্বর নানা জাগাত সংরক্ষণ করিয়া থছি। অউতার ডিম অউতা হুকেয়া গুড়া করিয়া বেড্‌ইণ্ডিয়ানে ময়দার সাদানে ব্যবহার করতারা। কোন কোনগই চুইংগামর সাদানে খেইতারা। লেপিডোপটেরা প্রজাপতির অন্তর্ভুক্ত বিশেষ নমুনা আহানর প্রজাপতি অউতা আফ্রিকানর অতি পুষ্টকর খাত্তহান। অউতারমা প্রচুর পরিমাণে চর্বি বারো খোটিনর ভাগ থার।

আমিয়ও পক নাখোরতা নাগই খেয়ার। 'খাজিঙ' যেতারে মাছ বুলিয়া ভাজাবড়া করিয়া খেইয়ার অউতাউ পক। আগেদে কাছাড়ীয়ে মকার পক ভাজা বারো মদরগাস আহানল অতিথি আপ্যায়ণ করলে নিয়াম মস্তষ্ট অছি।

:—:

~~~~~

আপনি কি ক্ষেতি করিয়ারতা? আপনার ধানে পক ধরেছিতা? আপনার শজীত (ফুলকপি, বাখাকপি, ওল, আলু) সার দেনা মনেয়ারতা? অতিমধর যোগাযোগ করিক—

**সিড হাউস**

কোর্ট কমপাউন্ড, শিলচর—১।

~~~~~

সিড হাউস

আমার ভাষার স্বকৃতি সরকারবাংত পেইলাং পেইলাং অবস্থাত আহিয়াউ আজিপেয়া নাপেয়া আছি। আমার যথাবিহিত চেষ্টাও আজিপেয়াও কিয়া ব্যর্থতায় পর্যবেশীত অর উহান আজি আমারতা গভীর ভাবে চিন্তা করানি থক বুলিয়া ম নিংকরউরী। এবং অউহানেই আজি যে পত্রিকাহান উদ্বোধন করানির ব্যবস্থা আছে এহান অভ্যন্ত তাৎপর্য বুলিয়া ম নিংকরউরী। ‘চিন্তা’ পত্রিকার সম্পাদিকা গিথানকে খানি আগে মাতেগেলিগা পত্রিকাহানর বর্ত্তিগ জ্বালাদেনা অইল। ঔগ এবাকা মিট মিট করিয়া জ্বলের। এবাকাতে আমি কিসাদে করে বর্ত্তিগ দৃঢ় করে পারতাঙাই এহান নিয়াম খালকরিল কথাহান। সংখ্যালঘু জাতএহান লেইরাপা জাতহান অনাই স্বাভাবিক ভাবে সরকারর সাহায্য পানা আশা করানি এহান অস্বাভাবিকহান নাগৈ। কিন্তু আজি দুর্ভাগ্যবশতঃ রাজনীতির চক্রে পরিয়া সংবিধানহানাত থানা সত্ত্বেও সরকারী স্বীকৃতি আমি আজি পেয়া নাপেয়া আছি। সরকারে যদিও আমার ভাষা এহান স্বীকৃতি নাদের তবুও আমার সাহিত্যহানরে সমৃদ্ধ করিয়া তুলানিত কোন অসুবিধা নেই। পত্র পত্রিকার মাধ্যমে এহানরে বলিষ্ঠ করিয়া তুলানি এহানেই আমারতা লক্ষ্যহান অনাথক। ভাষাহানরে উন্নত পর্যায়ে তুলানিরকা আমারতা বাংলা ভাষার ক্রমিক উন্নতির দিক ঔহান লক্ষ্য থনা থক বুলিয়া নিংকরউরী। বর্ত্তমান বাংলা ভাষা আজি নিয়াম দিন নাছে পৃথিবীরমা উন্নত আসন দখল কা’ছে। বাংলা ভাষারে বর্ত্তমান এ উন্নত পর্যায়ে নিয়া আনানির পক্ষে ঈশ্বরচন্দ্র বিজ্ঞাসাগর নাও সর্বাগ্রে উল্লেখযোগ্য। গিরকরতা সংস্কৃতে গভীর জ্ঞান আছিল। ঔ সংস্কৃতর শব্দভাণ্ডারেত্ত শব্দ বাছনি করিয়া বাক্য গঠন করলে ভাষা এহান সমৃদ্ধ অইতই এহান নিংকরিয়া বাংলা ভাষারে ঔসাদে ঠকরানি অকরল। তাঁরে ইলয়া কবি বঙ্কিমচন্দ্র আরাক ধাপ আহান আগুবেইল। পিছে পিছে শরৎ চ্যাটার্জী, কবিগুরু রবীন্দ্রনাথ ঠাকুর আহিয়া বাংলা ভাষারে বর্ত্তমান পর্যায়ে আনিয়া তুলল। আমার বিষ্ণুপ্রিয়া মণিপুরী ভাষাতউ যদি অউসাদে সংস্কৃত শব্দ লয়া মনর ভাব প্রকাশ করানির চেষ্টা করিয়ার অউহানাত কোন সংশয় নেই। তবে ঔ শব্দ যোজনায় এমন

ধারা আহান খান' থকর অর্থাৎ এসাদে টং আহানল উহান পকাশ
করানি থকই'ই য়াভে অউ বর্ননাও চঙে যে চন্দ্র যে সুর বাজিয়া
উঠেই ঐহানে সহচর পাঠক পাঠিকার হৃদয়তন্ত্রী ব'কত অর ।

অউহানল মোর সমাজর কনাক যুবক যুবতী এতাবে হেইচা ককরী
ত'ত নিয়মমত লেখা পড়া করিয়া সমাজর আর আর কামে চিত্তার
সাদে পত্রিকা চ'লানির চেষ্টা কবিয়া আমাদ সনকার কর্তৃক অনাদৃত
ভাষা এহানবে উন্নত পর্যায়ে নেনাব চেষ্টা কবানিরকা । ত'বে সমাজর
অভিজ্ঞ গিরিগিধানী যেহা আছি ঐকার পরামর্শ নিয়া তামুর লেখনী
এহানবে হাকর্ষনীয় কবিয়া তুলিল চেষ্টা কর'নি থক । আমি সম্মিলিত
ভাবে চেষ্টা করলে আমাদেই ভাষাহান আমি সমৃদ্ধ করে তুলে
পারতাঙাই । আমাদেই আলাদা নিজস্ব স্বতা আহান আছে এহান
দেহা পারতাঙায় । ঐ কথাউহান মনে থয়া যেসাদে করে আজিকার
নিউলেব এ চিন্তা পত্রিকা এহানর বর্গিং না নিন্তের ঔসাদে চেষ্টা
আহান থ'দেনা এহানরকা সমাজর সংশ্লিষ্ট হাবি গিরিগিধানীয়ে মোর
কেইচা জানাউরি । এবং ভগবানবাং জাণনা ককরি জাতহানরে মরিয়া
যানাত্ তোমার সাদে শৌ-এ গিয়া জি'গাকরে পাররায় এবং
তোমার চেষ্টা অউহান যাভে সফল অর ।

সভাপতির ভাষণহানর অ'ল আহান

উদ্বোধনী সভার সভাপতি মাননীয় শ্রীযুক্ত নিত্যাগোপাল রাজকুমার
গিবকে তাঁর দীর্ঘ ভাষণউহানাত পাংকালপ' বক্তব্যহান তুলিয়া
ধরতে গিয়া যাতেছিল—

আজি মোরে সভাপতির আসন এহান'ত বহাসি এহানাত্ কোন
প্রস্তুতি নেই । ভাগ্যের নিউসনায় সাধারণ এক্সিডেণ্ট আহানে আজি
মি আহিগি হারাছ । আজি মি কিসাদে জীবনহান বাপন ককরি
বুললেও নির্ধাসিতের জীবন । আজি নির্ধাসন দত্ত নিয়ে নিজেই
নিজর গজে আবেশ কবিয়া আজি আলাদা অয়া খাউরি । এ 'চিন্তা'
পত্রিকার উদ্বোধনী সভার সভাপতিগ অইনু বাংতে বক্তৃতা আহানভে

দেনা লাগতেনাই। বক্তৃতা আহান দিতে গেলেন গিরিগিথানী মি
 খানি কড়া কথা মাতুরি। সংস্কৃতে কথা আহান আছে—‘অপ্রিয়সত্যং
 মা কুয়াত।’ কিন্তু মিত্র অপ্রিয়উ মাতে বেলাউরি। সমাজের যে
 দুর্বলতা আছে ও দুর্বলতার মাঝে আঘাত না করিয়া মি কোনোদিন
 কোনো কথা না মাতুরি। কারণ অউদ্বলতার গর্ভে আঘাত দিলে নেনই
 সমাজ এহান জাগিয়া আগুয়েইতারা। গুল কীর্তনী গিরকে ভাগা-
 নিরকা বুলিয়া এলা আহানাত মাতেছিল—“কৃত্রিয় সন্ধান ঘুমিতাই
 কতি” জাগ উহান আজি পেয়াও জাগে দুয়ারিয়া আছি। আমারতা
 জাতীয়তা বোধ নেই। আজি মেইতেই বেইবুনির ভাষাহান অষ্টম
 তপশীলে গেলগা। আনন্দের কথা। আমি তানুরে ধন্যবাদ দিহাঙায়।
 তানুবাংত ঠিকিল পদু আমারতা দলাগ আছে। আমি দেহিয়াউ
 না হিকয়ান এহানই আমার ছুংহান। আমি নিজের কুষ্টিহান বেলা
 পারিয়ায়, নিজের শোরে ঘরে ভিতরে বাংলা টটরতেউ পিছপা নায়ার,
 গতিকে আমার উন্নতি কোংগদে অয়তইতা? মোরে মি চিনানি
 লাগতই, মোরে যদি মি নাচিনউরি—তাইলে সমাজহানতে কোনগদে
 চিনতইগাতা? দলাদলি—আগরে আগর কিসাদে জিঙানি, কিসাদে
 চটানি আগরে আগর, এই যে দলাদলি—এ দলাদলি এহানে কিতা
 করল? একোর মূলে কুঠারাঘাত করল। তারে বার্তন করলে মি না-
 যিতউগা, সইদনামর আমলেত্ত এ দলাদলি এতা অইতে অইতে
 ঘাঘরা চেংকুড়ি—আইতে আইতে ওখুম বারো উত্তর শিরর দক্ষিণ
 শিরর দড়বারে পরলাগা। দলাদলিয়ে সমাজরে পদু করিয়া থেছে।
 প্রগতির পথে আগুয়ানি নাদের। আম সুহহান পাছরেছি—United
 we stand, divided we fall. এহান আমার কানে নাহমার।
 আমি যে বৈকব মাতু, আমারতা কিতা আছেগা! উনা লাঠিগ আছে,
 লুটা, কথল আছে, কপিন আহান আছে, কুনজাগ খাইলে লমহল।
 আজিতে কুনজাগ পেয়াও নিয়া দিলাগা। জাতি এহান নিছিরর পথে
 যানাত লেপছি। কং পত্রিকা নিকুলিল, কোনো পত্রিকাও না টিকিল।
 কারণহানতে কিহান? সমাজে পত্রিকার মযাদা দিয়া দুয়ারিয়ার।
 বারো ছমজিকেলী নিজর নিজের নিজের পত্রিকা নিকালেয়ার বুলিয়া
 নিকাল তারা। সাহিত্য সম্বন্ধে জ্ঞান নেই উতাই সাহিত্য সৃষ্টি করতারা

আমার প্রধান অতিথি গিরকে খানি আগে মাতল—সাহিত্যহান
গড়িয়া তুলতে কি কি জিনিষের দরকার—বাংলা সাহিত্যও আরি
পৃথিবীরমা নামজাদা সাহিত্যহান অয়া দাড়াছে। কত সংগ্রামের ভিতর
দিয়া বাংলা সাহিত্য উঠা আছে। অতি সহজে বর্তমান কাঠামোত
আহেছেহান নাগৈ। আকখুলাগয় উঠা অয়তউ বুলিয়া উঠা অনি
হুয়ারেছে। সাধু শব্দ, চলতি শব্দ, তৎসম শব্দ, তৎতব শব্দ উঠা
হাবিরে আগুন করিয়া সাহিত্য সৃষ্টি করানি লাগতৈ।

এবাকালে মিউ একবিংশর বাহিরে প্রথম দলক পেয়াও নাযিতোগা।
বর্তমানে যেহান আছে, এবাকা যেহান পাউরি—উহানল বন্ধিম
চ্যাটার্জীয়ে মাতেছিল—‘যখন যেহান প্রয়োজন ঔশদ ঔতা ব্যবহার
করিয়া সাহিত্য সৃষ্টি করানি লাগতৈ। বিজ্ঞাসাগরীয় দলে মাতেছিল—
তায়—“শব পোড়া মরা দাহের দল।” এ দল এহানরে মাতেছিল।
তুধু সংস্কৃত উহানরে ধরিয়া থনা লাগতৈ এহান কথাহান নাগৈ।
হানতে উহানেতে কিহান—আজি সাহিত্য সম্রাট বন্ধিম চ্যাটার্জী
গিরকে সাহিত্য সম্বন্ধে মাতিয়া গেলগা কথা এতাত আমারতাউ
অনুকরণ করিলতা আছে। আমিও সাহিত্য সৃষ্টি করতেগিয়া বিভিন্ন
ভাষায় শব্দ আহরণ করিয়া মোর নিজস্ব করলে নাইতই, তুল অইতই
এমন কোন কথা নেই। সাহিত্য সৌন্দর্য উহান সাহিত্যহান। সাহিত্যর
মাধ্যমে মন এহানরে ডাঙর করিয়া তুলানি, বিবেক এহানরে সৃষ্টি
করানি। কবিগুরু রবীন্দ্রনাথের কথা আহান মাতেছিল,—

উদয়ের পথে শুনি কার বাণী

ভয় নাই ওরে ভয় নাই।

নিঃশেষে প্রাণ যে করিবে দান

ক্ষয় নাই তার ক্ষয় নাই।

আজি যে চিন্তা পত্রিকা উদ্ভাবিত হচ্ছে, চিন্তা পত্রিকা উদ্ভাবন
অইল—উদয়ের পথে শুনি কার বাণী, ভয় নাই ওরে ভয় নাই।
ভয় নেই, বীর পদক্ষেপে এগিয়ে যাওহে “চিন্তা” পত্রিকা, তোমার

মাধ্যমে সমাজৰ অবিচার, অত্যাচার, অনাচার, দুৰ্য্যবহাব এইগুলোকে নিশ্চিহ্ন করতে হবে। কৰিয়া সমাজহানৰে প্ৰগতিৰ পথে চালেয়া নেনা লাগতৈ হে চিন্তা পত্ৰিকা। চিন্তা ধাৰা প্ৰগতিমূলক অনালাগতৈ। এ চিন্তা পত্ৰিকা কৰিয়া দলাদলিত হমেইলে নাইতৈ। দলাদলিৰ উধে যানা লাগতৈ। তাইলে সমাজ সৃষ্টি অৱতা। সমাজ উন্নতি অৱতা। তাইলে সমাজ প্ৰকৃত পথে মূল পথগদে আগুয়েয়া যিতাইগাতা। ওহান নাইলে সমাজ নিশ্চিহ্ন অয়লা এহান নিশ্চিহ্ন অয়া যিতাইগা। গিৰি-গিধানী আমি আমাৰ মূল্যবান ব্যক্তিবল পুলদেছি। মি অনুরোধ জ্ঞাপন কৰুৱী, এ চিন্তা শৌ এগ আমাৰ ঝিলকগ। হাবিয়ে আশীৰ্বাদ দিয়াদিক বাৰো আপনাৰাউ চেষ্টা কৰিক কিসাদে এগ জিংতা অয়া থানা আলাছি বতি এগ না নিস্তক।

—:—

অভিমন্যু

আপনি কি নিজৰ ছবিহান তুলিগত বৰিয়া থনা মনেয়াৱতা ?
আপনি কি নিজৰ ইমা, বাবাব, পৰিবাৱৰ, শৌ-শোমাৱৰ ছবি-
হানি তুলিগত টিন আহানাত জিংতা কৰিয়াথনা মনেয়াৱতা ?

অতিসম্ভৱ যোগাযোগ কৰিক :—

মুনমুন আৰ্ট

তৰুণোদয় ৰোড

পো: বেকীৰপাৰ

জিলা—কাছাড়া (আসাম)

চিন্তা

প্রকাশিকার আকটু

‘চিন্তা’ ১লা বছর, ২য় সংখ্যারে মৃতী পালকরতে যে যে গিরিগিথানীরাংতো উৎসাহ বারো সাহায্য পেইলাং, হাব্বিরে ধন্যবাদ। বিশেষ কৰিয়া ‘চিন্তা’র রূপ লেংকরাত গৌহাটীৰ শিখী সুনীল সিংহ বারো শ্রীকান্ত সিংহর অবদান আমি কৃতজ্ঞতালো নিংশিং অয়ার। ঔতা ছাড়াও ভারতী সংঘ (ভাটীৰগ্রাম), BIMWET (কোহিমা) বারো তলে ইকরা গিরিগিথানীরাংতো অর্থসাহায্য পাছিলাং, তানুৰাংও আমি কৃতজ্ঞ —

সৰ্বশ্রী —

চন্দ্রকান্ত সিংহ (পাঞ্জাব)

সঞ্জয় সিংহ (কোহিমা)

ব্রজীন্দ্র সিংহ (পাকইপার)

লক্ষীকান্ত সিংহ (চিপৰসাজন)

হীৰেন্দ্ৰ শৰ্মা (গৌহাটী)

শান্তি সিংহ (গৌহাটী)

মণিৰূপ সিংহ (গৌহাটী)

রানা সিংহ (গৌহাটী)

বকুল সিংহ (..)

বেণীমাধব সিংহ (..)

গোবীন্দ্রসাদ সিংহ (..)

পরাণ সিংহ (..)

কুমকুম সিংহ (..)

শিবাণী সিংহ

প্রকাশিকা

চিন্তা